

7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

東宮官部

三師三少 太子太師 太子太傅 太子少保 少詹言夏附

左右諭德 左右衛率府率 侍正附 僕正 贊善附 左右贊善 左右監門典儀

典食令丞 掌頌令丞附 司經 侍藥 奉茶附 都監 司監附 司倉 副司倉附

家令司藏

睦親府部 判睦親正事 睦親正丞

王府官部 總王府宦 傳府尉 司馬 文學 記室參軍

節使部 節度使 防禦使

統軍司部 都元師 副元師附 監軍 副招討附 招討使 都統 頤 管軍總宦

事文外集



1003
165/60
又45



新編古今事文類聚外集卷之一

南江 富大用 時可 編

金陵 唐富春 子和 刊

東官官部

三師二少

歷代沿革 **三王** 教世子立太傅少傅以養之 **文王** 世子入則有

祿出則有師成王幼在襁褓太公為太師漢高帝九年以叔

孫通為太子太傅位次太常後漢太傅一人中二千石禮如

師不領官屬少傅二千石悉主太子官屬魏太傅於太子不

稱臣少傅稱臣晉咸寧中備六傅之職東晉以景帝諱師故

利
268
38



改太師為太保。梁三少各一人。掌奉皇太子。以觀三師之德。
後齊以太師太傅太保為三師。少師少傅少保為三少。唐三
師三少。官不必備。唯其人無其人則闕之。太子太師太傅太
保各一人。從一品。少師少傅少保各一人。從二品。宋師傅不
常設。仁宗升儲。置三少各一人。李文定公以叅知政事。兼掌
賓客。及陞左相。遂進兼少傅。此宰相兼官僚之所從始也。下
謂兼少師。馮拯兼少傅。曹利用兼少保。是時實為東官官。餘
多以前宰執為致仕官。若太子太師太傅太保。以待宰相官
未至。僕射者。及樞密使致仕。亦隨本官高下。除授太子少師
少傅少保。以待前執政。其少師非經顧命。不除。若本官至尚
書。即除少傅。丞郎給諫。只除少保。若因遷轉。則進一官。至

太師即遷司空矣。天禧末。皇太子同聽政。乃以首相兼少師。
樞使曹利用兼賓客。自後東官皆不置。開禧三年。史同知自
詹事入樞府。乃進兼賓客。已而太子侍立。遂以錢丞相兼太
子少傅。明年並置二相。左相改兼少師。右相兼少傅。**元**置太
子太師太傅太保。掌以道德輔導太子。少師少傅少保。掌明
三師德行。以諭太子。而論諸道。其人不必備。
羣書要語凡三王教世子。必以禮樂立。太傅少傅以養之。欲知
父子君臣之道也。太傅審父子君臣之道。以示之。少傅奉世子
以觀太傅之德行。太傅在前。少傅在後。入則有保。出則有師。是
以教喻而德成也。師也者。教之以事。而諭諸德者也。保也者。謹
其身。以輔導之。而歸諸道者也。記文王世子。選天下端士。孝悌

博聞有道術者以輔翼之故天子見正事聞正言行正道左右
前後皆正人也大戴禮樂正司業父師司成一入元良萬國以
貞貞貞正也司主也言樂正教以業父師教以成禮記尊敬師

傳詩國之將興尊師重傅也漢詔先王之建太子必擇九德之

師六行之傳薛綜謝表實資六傳之賢用弘三善之益白集嚴

緩制太子太傅太保掌輔導皇太子少師少傅少保掌曉三師

德行以諭皇太子奉太子以觀三師之道德唐志三少之職掌

教諭太子舊唐書太子三師以道德輔教太子者也至於動靜

起居言語觀聽皆有以師焉續通典

古今事實

周召保傅

賈誼上疏曰昔者成王幼在襁褓召公為太保周公為太傅太
公為太師保保其身體傳傳其德義師導之教訓此三公之職
也於是為置三少皆上大夫也曰少保少傅少師是與太子宴
者也故乃孩提有識三公三少固明仁孝禮義以道習之遂去
邪人不使見惡行前漢本傳

廣受師少

疏廣為太子太傅兄子受為少傅在位五歲皇太子年十二通
論語孝經廣謂受曰吾聞知足不辱知止不殆今仕至二千石
官成名立如此不妄懼有後悔即日父子上疏乞骸骨公卿故人
設祖道供帳送者車數百兩道路觀者皆曰賢哉二大夫同上本傳
冷太子拜

晉武帝時有司奏東宮一傳禮儀不同帝曰崇敬師傅所以尊
教前世之令典也何論臣與不臣其於太子拜之晉書

見輒先拜

唐順帝為皇太子禮重師傅見輒先拜順宗實錄

生即置輔弼

唐太宗謂庶子于志寧曰古者太子既生士負之即置輔弼成
王幼小周召為師是也

請赴資善堂

宋朝仁宗為皇太子宰相丁謂馮拯兼少師少傅樞使曹利用
兼少保參政王曾樞副錢惟演兼賓客謂等因請師傅十日一
赴資善堂賓客以下隻日互陪侍講學上從之石林燕語

古今文集

雜著

經筵劄子

程頤

三代之時人君必有師傅保之官師道之教訓傳其德義保
保其身體後世作事無本知求治而不知正君知規過而不知
養德傳德義之道固已疎矣保身體之法無復聞焉臣以為傳
德義者在乎防見聞之非節嗜好之過保身體者在乎適起居
之宜存畏謹之心臣欲乞皇帝左右扶持祇應官人內臣並選
年四十五已上厚重小心之人服用器玩皆須質朴應華巧奢
麗之物不得至于上前要在侈靡之物不接於目淺俗之言不
入於耳及乞擇內臣十人充經筵祇應以伺候皇帝起居凡動

息必使經筵官知之有剪桐之戲則隨事箴規違持養之方則應時諫止調護聖躬莫過於此

太子太師

羣書要語師範國儲

唐陸集李勉制

輔翼春闈是資教導

陸宣公集李勉太師制

傳道元子師長庶僚

唐孫逖行信安王棟太師制

師制

宜優天秩之榮俾極官臣之位

同上作訓元儲許敬宗除

太師制

晨謁金墀事功於忠蹇夜隨銀棗義先於調護

翼皇儲允歸師保

曲阜行峻王範太師制

來儀博望

太子苑名官師之尊曲阜行蔣之奇制

古今事實

銀印青綬

晉官品令云太子太師銀印青綬

始同三品

長孫無忌為太子太師同中書門下三品同三品自此始

迎恩賢門

晉東宮故事皇子詣恩賢門迎師傅

居詹事府

馮定為太子詹事時宰臣鄭暉為太子太師欲於尚書省上事定奏曰據六典太師居詹事府不合於都省禮上乃詔於本司上事人推美之

詔答辭疾

唐太子承乾與魏主泰交惡帝曰當今忠蹇貴重無踰魏徵遣
傳太子慰天下之望羽翼固夫即拜太子太師徵以疾辭詔答
曰漢太子以四皓為助我賴公其義也公雖臥病可擁全之唐書

遺表書坊

唐太子太師魏玄成薨太宗謂侍臣曰玄成已沒朕遣人至宅
就其書由得表一紙云天下之事有善有惡任善人則國安用
惡人則國亂公卿之內有愛有憎所宜詳慎若愛而知其惡憎
而知其善去邪勿疑任賢勿貳可以興矣朕思之恐不免斯事
公卿侍臣可書之於笏知必諫也

八十守節

顏真卿敗太子太師李希烈陷汝州盧杞乃建遣真卿四方所

信若往諭之可不勞師而定詔可公卿皆失色李勉以為失一
元老貽朝廷羞表固留至河南府南尹鄭叔則以希烈反狀
明勸不行答曰君命可避乎既見希烈時朱滔王武俊田悅李
納使者皆在坐謂希烈曰聞太師名德久矣公欲建大號而太
師至求宰相孰先太師者真卿叱曰若等聞顏常山否吾兄也
祿山反首舉義師後雖被執詎賊不絕于口吾年且八十官太
師吾守吾節歿而後已豈容若等脅邪諸賊失色唐本傳

八十如儀

盧鈞守太子太師帝元日大饗含元殿鈞年八十升降如儀音
吐鴻暢舉朝咨歎

太子太傅

羣書要語

太傅審父子君臣之道以示之

漢賈誼策

寵極腰銀

榮深佩玉

記室新書

保傅承華

鄭畋制承華太子門

文選曰遵

彼承華又曰高步承華皆謂太子諸官

曲阜行姚

福太師制

東朝二品行蔣九臯太傅制東朝太子朝也

文選曰

東朝既建

漢擇名儒任先疏廣晉崇碩德選在山濤

六帖

太子太傅

日就月將琢磨玉質言太子有王之質琢磨以道也

應

邵漢官儀

詩句

灼灼英台我我德傅

沈約詩言太子太傅

古今事實

太子太傅銀童青綬佩蒼玉

輿服志

佩冰蒼玉

二傅進賢兩梁冠黑介幘五時朝服佩冰蒼玉

諫嗜鮑魚

周文王使太公望傳太子發發嗜鮑魚望曰鮑不登于俎安有非禮之物養太子哉

諫易太子

前漢叔孫通為太子太傅高帝欲以趙主如意易太子通曰太子天下之本一搖天下震動奈何以天下為戲帝曰吾聽公言

本傳

言

本傳

視尚書位

梁太傅一人位視尚書令百官志

以名臣拜

後漢明帝鄧禹先朝名臣拜太傅

以驃騎領

王充以驃騎大將軍領太子太傅

擇保相材

齊王攸為太子太傅獻箴太子曰保相之材必擇賢明

為世儒宗

賀循為太子太傅時朝廷初建動有疑義宗廟制度皆循所定朝野諮詢一時儒宗夫又循為太傅為世儒宗命皇太子親往

拜之

執子弟禮

晉東宮舊事皇太子於二傅執子弟禮一傳入見太子詣崇賢門迎太子為一傳拜合卷拜入坐對坐張勃傳

輦導太子

山濤為太傅講于宣武堂東步輦導太子

躬訓儲官

晉賀循為太子太傅詔曰循清真履道居身以冲約為本立德以仁遜為行躬訓儲官默而化成中興書

為儲訓

傅暢晉公卿禮秩太傅正草少傅書真以為儲訓

傳論語

魯論語二十篇太子太傅夏侯勝等傳之論語序

傳不稱臣

魏太傅於太子不稱臣

見而正服

何夔字叔龍為太子太傅每月朔太傅入見太子太子正法服而禮焉魏志

聞名禮召

吳程秉事鄭元避亂交州與劉熙考論大義遂博通五經權聞其名儒以禮召既到拜太子太傅三國志

召對改容

吳張溫少修節操孫權聞之問曰溫當今與誰為比顧雍曰當今無輩召見召對觀者傾悚權改容加禮拜議郎選曹尚書等太子太傅吳志

召訪政理

唐趙宗儒太和初進太子太傅文宗召訪政理對曰堯舜之化慈儉而已願陛下守之帝納其言

疾病吟詠

白居易授太子太傅進封馮翊縣開國侯四年冬得風疾伏枕者累月乃放諸妓女素蠻等仍自為墓誌病中吟詠不輟

皆推石奮

石奮孝文時恭謹舉朝無與比太子太傅缺選可傳者皆推奮

遂為太子太傅舊太子慶循行孝謹元狩元年立太子選羣臣可
傳者慶自沛守為太子太傅

即拜張佚

顯宗始立為皇太子詔問誰可傳太子者羣臣皆言陰識可傅
士張佚曰今陛下立太子為陰氏乎為天下乎即為陰氏則陰
侯可為天下則固宜用天下之賢才帝曰欲置傅者以輔太子
也今傅士不難正朕况太子乎即拜佚為太子太傅榮為少傅
後漢桓榮傳

奉觴為壽

陳廣字仲翁為太子太傅廣兄子受為少傅宣帝置酒太子躬
奉觴以為壽上其嘉之後並上疏乞骸骨詳見總六傳

別案奉對

唐太宗伐高麗高士廉攝太子太傅仍典朝政皇太子下令攝
太傅申國公士廉朝望國奉儀刑攸屬寡人忝膺監守實資訓
道此日聽政常屈同榻庶因咨白以祛蒙蔽但據案奉對情所
未安所司宜別以下案供太傅

素服報恩

漢夏侯勝為太子太傅受詔撰論語年九十卒太后為勝素服
五日報師傅之恩儒者以為榮漢書

賜第私讓

唐于志寧遷太子太傅常與右僕射張行成俱蒙賜第志寧奏
曰臣居闕右代襲箕裘周魏以來基址不墜行成等新營左宅

尚少田園於臣有餘乞申私議

太子太保

羣書要誼保也者謹其身以輔翼之而歸諸道者也文王世子

召公為保書君奭凡三王教世子入則有保記詳見總六傳入

則有保。保其身體賈誼疏春宮保氏曲阜除文金制春宮三

太名秩甚尊同上行蘇頌太保制

古今事實

以開府加

劉寔字子真以特進開府加太子太保王隱晉書

以特進行

懷帝以荀組為侍中特進行太子太保晉中興書

能保吾子

後魏顯祖將禪位於京兆王子推陸馥抗言曰皇太子聖德承基

四海屬望臣請勿頸殿廷有死無二父之帝意解詔曰馥直臣

也其能保吾子遂以為大保

德導太子

唐蕭瑀為太子太保太宗曰三師以德導太子者也禮不尊則

無所取法

諫朝五奏

張茂昭憲宗元和二年諫朝五奏乃聽願留不許加兼太子

寵異分班

宋朝王溥乾德二年罷為太子太保故事一品班於臺省之後
太祖因見溥曰溥舊相當寵異之即令分臺省班於東西國史

太子少師

古今事實

太子親拜

唐貞觀初李綱為太子少師為陳父子君臣之道問寢視膳之
方聽者忘倦太子嘗問確古來君臣孝忠盡節之事綱慨然曰
託六尺之孤寄百里之命古以為難綱以為易每吐論發言辭
色慷慨有不可奪之志太子未嘗不從然禮待又綱有脚疾而
不堪踐履太宗令輿入東宮皇太子引上殿親拜之

太子行拜

房玄齡為太子少師時皇太子將行拜禮備禮以待之玄齡厚
自推損不敢修謁識者重其崇讓又曰姚崇事當考

議選蕭悅

文宗議選舊德保護東宮乃以太子少師召蕭悅

詔選玄齡

正觀中房玄齡為太子少師玄齡遜位詔不許太宗因謂侍臣
曰太子師保古難其選

分給院錢

王起改太子少師起治生無檢所得祿賜為童婢盜有貧不能
自存帝詔曰益仙韶院錢議者謂與院臣分給可耻也起賴其

特賜步輿

李綱拜太子少師綱素有脚疾太宗特賜步輿令乘至閣下數引至禁中問以政道

乘馬入省

許敬宗為太子少師乾封初以年老不能行步特令朝日乘小馬入禁門至內省

兩李少師

元和以來宰相有兩李少師故以所居別之一日靖安少師一日永寧少師

黃胤少師

後魏郭祚領太子少師祚從世宗幸東宮明帝幼弱持一黃胤出奉之時謗祚者號為黃胤少師

太子少傅

羣書要語少傅奉世子以觀太傅之德行而審諭之記漢桓榮之賜輜重晉山濤之乘小輦記室新書漢用名儒任先疎受晉推碩德選在羊公孔白六帖宮傳之亞淇水制可領調護之任白集行嚴殺制俾登儲副之榮宋朝展表太傅少傅並不朝朔望漢故事

古今事實

張良臥傳

漢高帝謂張良曰子房雖疾彊臥傳太子時叔孫通已為太傅
張良行少傅事

匡衡即對

匡衡為太子少傅數上書陳便宜及朝廷有政義即議經以對
言多法義上以為任公卿

接以賓禮

王儉拜太子少傅朝議太子接少傅以賓友之禮南史

賜以車馬

後漢桓榮字春卿顯宗立為皇太子以榮為少傅賜以轎車乘
馬榮大會諸主陳其車馬印綬曰今日所蒙禮古之力可不勉
哉並漢書

賜乘小輦

晉山濤為少傅拜太子求退帝賜小輦乘之以訓太子白六帖

三世傳東宮

吳薛綜為太子少傅子榮孫皓時為太子少傅晉平吳子兼事
元帝亦為太子少傅自綜至兼三世傳東宮

西面謝太子

孝明帝在東宮宣武皇帝欲以崔光為太子師傅光固辭帝令
太子南面再拜官臣皆從太子拜光北面立不敢答拜唯西面
拜謝而出乃授太子少傅

秉德履道

山濤轉少傅詔曰秉德冲素心思潛通清虛履道有古人之風

秉德尚義

山公啓事皇太子始之東宮四海屬望保傳不可不高天下之
選羊枯秉德尚義克已復禮又尚年少可久其事

外參傳訓

周顛字伯仁拜太子少傅上疏曰臣學不通一經智不效一官
乃欲使臣內管銓衡外參傳訓質輕蟬翼事重千鈞此之不可
不待議而明矣晉中興書

得輔道義

華廙字長駿遷少傅得輔道之義

不言之益

周顛拜少傅詔云有不言之益並晉書

以老乞辭

唐張行成拜左僕射太子少傅未幾四年二月不再至五月行
成懼以老乞身制答曰古者策免垂罪已之義朕寡德非宰相
咎乃賜官女黃金器勅勿復辭行成固請

賜三傑詩

源乾曜為少傅與左右丞相宋璟張說賜宴尚書省帝賦三傑
詩以賜並唐書

定二傅拜

何曾議太子少傅當稱臣拜荀顛曰太之與少自二傅之名次
爾非於天子有輕重也詔曰秦漢以來舊章廢滅隨時改作其
舊不可依用宜准古義遂定二傅不拜

疏受閑雅

疏受為少傅辭理閑雅

王丹正直

王丹為少傅名德重於當時又東觀漢記丹為少傅蹇蹇正直為太子少傅魏志

古今文集

雜著

少傅箴為太子少傅作

傅立

箴曰正人在側德義盈堂庖肆先入蘭臺不芳傳臣計敢告君王

又後魏時為少傅以調護是職乃作蕭圓

箴曰愛惜日力寸陰毋棄親膳再飯寢門三至小心翼也太孝
悉悉詢謀計慮問對疑水安樂必敬毋忘戰兢

太子少保

羣書要語東朝保傅歷代尊榮自集行嚴綴少保制 亞保春坊

淇水

古今事實

知公直士

唐李綱燕太子詹事頗乞骸骨高祖慢罵之曰建成在東宮道卿輔道荷為屢致辭平綱頓首陳謝曰云陛下功成業泰頗自矜伐臣事太子所懷鄙見復不採納高祖謝曰知公直士勉

弼我見於是擢太子少保上書太子曰綱備位保傳冀得效愚
鄙殿下飲酒過量非養生道凡為太子務孝謹以慰上心不宜
聽受邪說與朝廷生基間太子不憚

手勅稱名

李綱為太子少保高祖以其隋氏名臣甚加優禮手勅未嘗不
稱名其見重如此並唐書

賦詩歡會

唐李適之為右相李林甫密奏其好酒頗妨政事元宗感焉乃
除太子少保適之遽命親故歡會賦詩曰避賢初罷相樂聖日
銜盃為問門前客今朝幾箇來舉朝服其度量

太常換散秩

長慶中以兼太常卿趙宗儒為太子少保太常有師子樂備五
方之色非朝會聘享不作焉至是中人掌教坊之樂者移牒取
之宗儒不敢違以狀白宰相宰相以為事在有司執守不令關
白而宗儒憂恐不已宰相懦怯不任事故以散秩

輔臣領東官

宋朝天禧四年以資政殿大學士王欽若為司空職如故欽若
以輔臣兼領東官三少品序非便表換秩故有是命

新編古今事文類聚外集卷之一 終

事文類聚外集

卷之一

終

新編古今事文類聚外集卷之二

新編古今事文類聚外集卷之二

南江 富大用 時可 編

金陵 唐富春 子和 刊

東宮官部

太子詹事 附 少詹事

歷代沿革秦官 應邵曰詹省也給也 秩二千石漢因之掌太子

家位長秋上竇嬰太后兄子景帝即位為詹事文帝以鄭

當時為景帝詹事昭帝以韋賢為詹事成帝鴻嘉二年省後

漢省詹事太子官屬悉屬少傅魏復置詹事領東宮眾務晉

以祿傳位尊不宜親細務武帝咸寧初用黃門侍郎楊珧為

詹事掌東宮之任。後省江左復置。齊置府領官屬。梁陳任總官。朝後魏有太子左右詹事。北齊東宮衆事無大小皆統之。唐置詹事府詹事一人正三品。少詹事一人正四品。上掌內外衆務。糾彈非違。總判府事。置少詹事以兼之。龍朔改端尹少尹。咸亨復。垂拱改官尹。神龍復。宋東宮官有詹事。仁宗升儲置詹事二人。神宗欽宗升儲並置一人。多以他官兼充。從三品。少詹事正六品。元置太子詹事從三品。掌知東宮內外庶務。統領判院事。少詹從四品。掌贊詹事。

羣書要語。儲端任顯。東西兩晉茲選特難。注。儲端太子詹事也。

沈約齊安陸碑。官端。江總爲官端分紀。詹事彈肅一官。王璿谷。

徐邈書。彈違是屬。宜肅事於東朝。嗣許王太子詹事制。儲端華。

重寶異司。陸階表。官坊清班。白集行張偉制。龍樓上僚。宋榮。

制。弼諧儲副。必俟才英。總務官端。允資忠蓋。李寬冊。漢朝選德。

禮儀峻於賓卿。晉代任賢。光榮歸於謝琰。博望斷裁之規。輿。

情僉屬承華。彈肅之寄。任賢斯在。並同上。尚居端尹之榮。李藩。

制。皇太子霞褰青殿。日晃春宮。駕紫谷之英。振洛笙之響。自非。

器上白雲。韻同明月。何以延芳。芝苑。插羽瓊條。寶嬰威貴。於西。

京。陸曄風嘉於東國。伊人之美方。曰可舉。孔稚圭表。

古今事實

青綬

晉詹事品第三。銀童青綬絳朝服兩梁冠。

衣錦

事類彙編

卷之二

二

唐張行成轉太子少詹事太宗東征太子於定州監國即行成
本邑太宗謂行成曰送公衣錦還鄉於是令有司祀其先人墓

雅意墳史

劉憲遷太子詹事時玄宗在東宮雅意墳史憲曰殿下儲副非
以尋章摘句要通大意而已侍讀儲元亮經明行修宜召問以
察其言

妙選賢材

晉武帝以王恭為太陽尹領太子詹事恭讓表曰今日王儲始
建四方是式總司之任崇替所由宜妙選賢材盡一時之勝

霸以經授

孔霸宣帝時以經授太子為詹事漢書

瑛上書諫

姚瑛遷詹事兼左庶子節愍太子稍失道瑛凡四上書諫中宗
嘉歎焉

據禮當集

馮定改太子詹事鄭覃兼太子少師上曰欲會尚書省定據禮
當集詹事府論者多其正

征羌有功

晉謝琰征羌有功為輔國將軍領太子詹事

舅得詹事

張謐女嫁盧氏嘗為舅盧公求官僕父下朝而問焉父不語但
指楮床龜而示之女歸告其夫曰舅得詹事矣

弟代詹事

鄭銓字利用為太子詹事銓卒弟代為詹事

不得詹事

羊琇少與武帝同年相愛常謂帝曰若得天下用我為領護軍太子詹事武帝即位琇但為左衛將軍不得詹事也

負外詔歸

嚴挺之徙絳州帝顧林甫曰挺之安在此其材可用林甫召其弟損之曰天子視絳州厚要當以事自解歸林甫見上且大用因給挺之使稱疾即奏挺之春秋高有疾幸得閑官自養帝恨叱久之乃以為負外詹事詔歸東都

長史屈除

高宗為皇太子轉李勣太子詹事右弼率太宗謂曰我兒新登儲貳卿舊長史故有此除雖屈隨資可勿怪也 並唐書

弼諧審喻

唐李綱為太子詹事太子嘗遊有進魚者太子使膾之唐儉趙元鼎自言其能太子曰操刀膾腥和鼎味公等善之若弼諧審喻則屬綱矣

文華無籍

陳後主在東京欲以江總為詹事孔奐曰江總有潘陸之才而無園綺之實輔弼儲貳切謂非宜後主深以為恨乃自言於宣帝將許之奐乃奏曰江總文華之人今皇太子文華不少無籍於總如臣愚見願選敦重之才以居輔導帝曰誰可奐曰都官

尚書王廓代有士德立性敦敏可以居之後主時在側乃曰廓
主恭之子不可居太子詹事英又曰宋朝范曄即范泰之子亦
為太子詹事後主固爭之帝遂以總為詹事

古今文集

雜著

辭免兼太子詹事奏狀

周必大

錫命自天措身無所臣竊惟儲端華重今昔所向漢韋賢質樸
篤學始膺委任唐李勣至於舊長史屈階資而為之近歲以來
非老成端諒然為世所推則必於近臣中擇嘗任王府講讀及
官僚者就兼是職苟或異此寧虛厥官如臣不肖行能淺薄既
無素望又非舊人驟預選掄實駭群聽此臣所以彷徨震怖不

敢自恕而但已也伏望陛下重青宮之屬軫黃屋之思勿以反
汗為難而以掄材為急朝多英望亦有舊僚改而命之庶叶公
論員輸懇悃必冀矜從

左右諭德

歷代沿革唐龍朔中置左右諭德各一人掌侍從贊諭職擬常
侍掌諭皇太子以道德隨事諷贊皇太子朝宮臣列侍左右
階出入騎從宋東宮官有左右諭德建儲則置否則闕仁宗
神宗欽宗升儲皆置一人並他官兼乾道置一人惟除左不
除右元置左右諭德掌諭道德侍從文章之事
羣書要語東宮之有諭德猶上臺之有駟省清班優秩所選非

白集元稹制 東朝諭導杜牧除郭鎮制 就列官坊申贊諭之

美白居易行崔承寵制

詩句直道侍太子 昌言沃宸聰文選

古今事實

卿是東寮

唐德宗拜崔辛為諭德辛對東宮曰臣不識朝廷典故見殿下合稱臣否東宮曰卿是東寮

公可太用

宋朝仁宗在東宮魯質肅公宗道為諭德一日真宗召使者及門而公不在移時乃在肆中飲歸中使遽先入白乃與公約曰上若怪公來遲當託何事公曰但以實告中使曰然則得罪公

日飲酒人之常情欺君臣子之大罪中使嗟歎而去真宗果問使者具如公對自此奇公以為忠實可太用言行錄

楊汝礪兼

楊礪字汝礪真宗為襄王以礪為記室王甚重之東宮建兼右諭德真宗即位召入翰林為學士東都事略

陳彥升擢

陳薦字彥升神宗為潁王薦為王府記室參軍神宗為皇太子擢右諭德

左右衛率府率

歷代沿革衛率秦官屬詹事漢因之後漢王門衛徵循衛士而

屬少傅魏因之晉武帝建東宮置衛率初曰中衛率太始五年分爲左右衛率各領一軍後又置中衛率是爲五率宋元嘉中置太子右衛率宋初元年置太子後衛率梁左右衛率各一人隋左右衛各置率一人副率二人掌官中禁衛唐左右衛率府率各一人副率各一人掌東官兵仗羽衛之政令總諸曹之事宋太子諸率府從七品元置太子左右衛率府率掌同衛道從儀仗事

羣書要語凡太子出前衛率道在前黃麾外左右一率從挾道輿車後衛率從在烏皮外並帶戟執刀其服並視左右衛將軍晉志凡正至太子朝官臣率其屬儀仗爲左右廂之護衛出入如鹵簿之法唐職官志

古今事實

身居三職

李大亮拜左衛大將軍十七年晉王爲皇太子東宮寮屬皆盛選官臣以太亮兼太子右衛率俄兼工部尚書身居三職宿衛兩宮甚爲親信太亮每當直必通宵假寐太宗勞之曰當公宿直我便安臥

品爲第二

隋宇文述每與晉王謀事及晉王爲皇太子乃以述爲左衛率舊令率官第四品以述素貴遂進率品爲第二其見重如此

文武信義

太子左率缺直得其才無疾患者城陽太守石崇忠謹有文武

河東太守焦勝清正著信義皆其選也 山谷啓

清和理正

車騎將軍荀悝山濤舉之為太子右衛率稱清和理正從容顧問動可觀采真侍衛之美者

褚爽才藝

諸夷幼失父以才藝堪幹立名肅宗即位徵拜屯騎校尉遷太子左衛率 晉中典書

郗儉風神

郗儉為太子右衛率恢長八尺美鬚髯風神魁梧烈宗異之 卿當獨步

徐陵父摘為左衛率又袁淑為太子左衛率謝莊為太子中庶

子時南平王獻赤鸚鵡普詔羣臣為賦淑文冠當時作賦畢示莊及見莊賦歎江東無我卿當獨秀我若無卿亦一時之傑遷隱其賦

書責遊巖

唐蔣儼除太子右衛副率時徵隱士田遊巖為太子洗馬在宮無所補儼貽書責曰足下負巢由之峻節傲唐虞之聖主養煙霞之逸氣守林壑之遁情主上屈萬乘之重申二顧之榮遇子以商山之客待子以不臣之禮將輔導儲貳漸染芝蘭爾皇太子春秋鼎盛聖道未周足下受調護之寄是可言之秋唯唯而無一談悠悠以卒年歲遊巖不能答

謀廢賈后

晉劉卞為愍懷太子左率知賈后必害太子乃問張華華曰君欲如何卞曰東宮舊又如林四率精兵萬人公居阿衡之任若得公命皇太子因朝使錄尚書事廢賈后於金墻當黃門力耳華曰廢立大事又非所能賈后微聞遷下為雍州刺史卞恐誅乃飲藥卒

僕正

歷代沿革僕秦官漢世太子五日一朝非入朝日遣僕及中允旦入請問起居後漢太子僕一人千石主車馬職如太僕晉詹事屬官有太子僕銅印墨綬進賢兩梁冠絳朝服品第五主輿馬兼主親族如太僕宗正宋齊品服同家令從駕乘安

車次家令梁陳太子僕視黃門圖僕寺置一人唐龍朔中改僕寺為馭僕寺改僕為大夫掌車輿騎乘儀仗之政令及喪奠之禮物辨其次序與其出入而供給之元置太子僕正掌車正收弓箭儀物事又太子副僕正掌貳僕正

古今事實

柳肅回折

隨柳肅遷太子僕太子廢坐除名為民大業中帝與段達語及庶人罪狀達曰柳肅在官大見踈斥帝問其故荅曰學士劉臻嘗進章仇太翼於官中為巫蠱事肅知而諫曰殿下帝之冢子位當儲貳誠在不孝無患見疑劉臻書生鼓搥唇舌適足以相誑誤願陛下勿納之庶人不懌他日謂臻曰汝何故漏洩使柳

肅知之令面折我

左執貝善

歷代沿革唐置左贊善大夫正五品上掌傳令諷過失贊禮儀以經教授諸郡王龍朔二年改太子中允為之咸亨元年復置中允而贊善大夫不效又加置五人職擬諫議大夫掌翊贊太子以規諷也皇太子出入動靜苟非其德義則必陳古以箴焉未贊善皆緣舊制除授而無職司元置太子左贊善掌道德待從文章之事

古今事實

先諫官言事

唐白居易授太子左贊善大夫七月監殺宰相武元衡居易首上疏論其冤急請捕賊以雪國耻宰相以官官非諫職不當先諫官言事會有素惡居易者指搆居易言辭浮華無行貶江州司馬

左右監門

歷代沿革隋文帝置擬監門將軍各有直長十人左右監門率各一人副率二人掌諸門禁場帝改為宮門候唐左右監門率府掌東宮禁衛之法凡東宮諸司應以籍入于宮殿者皆本司具其官爵姓名牒門司門司送于監門監門之主與判曹印署送于門司門司會之同則聽入凡東宮內外門之守

者並司其出入凡財物器用之出入於宮禁者皆以籍傍爲
據左右監門以出入之若皇太子出入則依鹵簿之法率其
屬於牙門之左右以爲捍守番拱中改左右監門率爲鶴禁
衛宗亦有左右監門元因之各掌門衛禁

典儀

附

贊儀

歷代沿革秦置中庶子負漢太子太傅屬官有庶子後漢因之
魏晉太子詹事有中庶子各四人荀勗散騎侍郎品第五絳
朝服武冠平巾幘掌禁令糾正違闕侍從左右賓相威儀盡
規獻納奏事文書皆典綜之釋奠中庶子扶左庶子扶右隋
唐庶子之職掌侍從替相禮儀駁正啓奏元有太子典儀掌

司贊禮儀事

侍正

附

侍丞

歷代沿革齊太子有內直梁有內主爾王衣扶持等局各置有
司以承其事陳因之隋門下坊領內直監唐因之職擬尚輦
奉御龍朔二年改太子內直郎掌符璽繳扇几案衣服之事
元置太子侍正掌冠帶衣服左右給使之事丞隨侍正輔丞
之事

典食令丞

附掌領令丞

歷代沿革漢詹事屬官有食官令長丞後漢太子少傅屬官有

太子食官令一人秩六百石主飲食晉食官令職如太官令
宋中庶子屬官有食官令密詹事屬官有食官令職儀食官
令一人掌厨膳之事建元中置食官丞四人梁庶子有食官
局食官丞陳因之後魏五品上北齊令丞又別領器局酒局
工丞太子食官丞一人門下別置典膳局監丞各二人隋改
為典膳正家令寺統食官令丞唐食官署令一人從八品下
掌領膳之事丞二人為之貳從九品下元置太子典食令典
食丞掌侍奉肴饌又掌飲丞各一人掌奉香藥酒等事

古今事實

減膳上書

唐刑文偉遷太子典膳丞時孝敬在東宮罕與管臣妾見文偉

輒減膳上書曰竊見禮記曰太子既冠成人免於保傅之嚴則
有司過之史徹膳之宰史之義不得不可過宰之義不得不徹
膳不今皇帝式稽前典妙簡英俊自庶子已上至諮議舍人及
學士侍讀等使翼佐殿下以成聖德近者以來未甚延納談議
不狎謁見尚稀三朝之後但與內人獨居何由發揮聖智使睿
哲文明者乎今史雖闕官掌當奉職奉備所司不敢逃死謹守
禮經輒申減膳太子答曰顧已庸虛早尚墳典每欲研精政術
極意書林但在幼年未開將衛竭誠耽誦因即損心比日以來
風虛更積中奉恩旨不許重勞所以屢闕坐朝時垂學緒公潛
申勗戒式薦忠規敬尋來請良符宿志自非情思審諭義均弼
諧豈能進此藥言形於簡墨撫躬三省感愧兼深文偉自此益

知言

司經

歷代沿革 **晉**太子詹事屬官有洗馬八人掌皇太子圖籍經書職如謂者局准秘書品第七班同舍人下絳朝服進賢下梁冠黑介幘 **宋**亦置八人 **齊**一人 **梁**八人班第六正七品 **陳**因之 **北齊**二人從五品上 **隋**開下坊司經局置四人從五品下 **唐**因之 **龍朔**二年改為太子司經大夫咸亨元年復舊 **神龍**二年改司經局曰桂坊罷隸左春坊領崇賢館二年改司經大夫曰桂坊大夫糾正違失掌經史子集四庫圖籍刊緝之事立正本副本貯本以備供進凡天下之圖書上於東宮者

皆受而藏之元有太子司經又有副司經掌經史圖書筆硯等事

古今事實

才望充職

梁庾於陵拜太子洗馬舊東宮官屬通為清選洗馬掌文翰尤其清者近代用人皆取甲族有才望者時於陵與周捨並擢充此職武帝曰官以久而清豈限以甲族時論美之

文雅登朝

荀邃字道玄拜太子洗馬戴若思特見欽重作詩頌之曰洗馬荀道玄既累葉重光才經文雅所以弱冠登朝 荀氏家傳

童奏作草

事文類聚

卷之三

江統字應元召補洗馬每有疑滯大事童表奏議輒為同官所推當為之作草文士傳

俸料由已

唐常交為相先是百官僚料寡薄交與宰相楊綰奏請加之時韓滉判度支交與滉各聘私懷所加俸料厚薄由已太子洗馬實司經局長官文學為之貳交有親戚任文學者乃給十手而給洗馬十千其輕重任猜如此

侍藥 附 奉藥

歷代沿革 北齊門下坊領藥藏局有監丞各二人正六品下侍藥四人正七品下隋門下坊領藥藏局監丞一人侍藥四人

監正七品下唐改為太子藥藏即掌和劑醫藥之事丞為之貳凡皇太子有疾命侍藥入診候以議方藥應進藥命藥僅擣篩之侍藥和成之將進官臣監嘗如尚藥局之職元置太子侍藥太子奉藥堂承奉醫藥

都監 附 同監

歷代沿革 晉有太子寺人監員隋文帝始置太子內坊有典內等員唐典內掌東宮閣內之禁及官人糧廩賜予之出入凡任典直以儀式導客主之儻序任閣帥以門戶任內閣以出入任給使以繳扇任內廐以車輦任典事以平馬典內統而監主之元有都監同監掌東宮閣內儀物等事

司倉 附 副司倉

歷代沿革 後漢太子少傅屬官有太子倉令一人六百石主倉穀 魏晉已下無聞 後魏第五品中 北齊家令寺領典倉署令丞 隋典倉丞二人 唐典倉署令一人掌九穀入藏之教及醢醢庶羞器皿燈燭之事舉其名數而司出納凡諸園圃樹藝者皆受令焉丞二人判署事 元置太子司倉副司倉掌倉出給及薪炭等事

家令

歷代沿革 家令 秦官屬詹事 漢太子食湯沐邑十縣家令主之

後漢太子少傅屬官有家令秩千石主食庫飲食職比廷尉 魏因之 晉家令品第五銅印墨綬進賢兩梁冠絳朝服 宋齊清流皆不為之 隋煬帝改家令為司府令 唐改為家令寺 龍朔二年改家令寺為官府寺家令為官府大夫 元置太子家令掌司禮儀法等

羣書要語 張晏曰太子稱家故曰令 家令之職掌皇太子之飲膳倉儲庫藏之政令總食官典倉司藏二署之官屬凡皇太子備禮出入則乘輜車具威儀先諸臣以導引若祭祀賓客則供酒食以為獻主 六典 太子家令主倉穀飲食職似司農少府 後漢百官志本注 太子家令主內茵褥牀几諸供中之物及官奴婢月用錢內庫鹽米車牛刑獄 宋書

古今事實

以智囊稱

漢晁錯上書言今主所以尊顯功名揚於萬世之後者以知術數也皇太子材知高奇然於術數未有所守上於是拜錯為太子家令以辨得幸太子太子家號曰智囊

以賢良舉

疏受以賢良舉為太子家令

補吏部郎

晉武帝詔曰太子家令陸亮有忠心可補吏部郎

諫出遊觀

譙周後主為太子以周為家令後主頗出游觀增廣聲樂周上

疏諫曰昔王莽之敗豪傑並起踰州據郡欲弄神器世祖初入河北賢才智士思望所歸未必以其勢之廣狹惟其德之厚薄也蜀志

特被親遇

齊文惠太子入居東宮沈約為步兵校尉管書記時中宮多士

約特被親遇每日入見影斜方出尋遷太子家令

文號官體

梁徐摛屬文好為新變不拘舊體為皇太子家令兼管書記文體既別春坊畫學官體之號自斯而起

婢識家令

沈約嘗侍宴梁武帝有妓婢師是齊文惠太子官人帝問識座

中客否曰唯沈家令約伏地流涕帝亦悲焉為之罷酒

司藏

歷代沿革晉家令主物吏四人梁庶子屬官有錫賜庫局又有東宮衛庫北齊家令寺領司藏署令丞隋家令統司藏署令丞唐司藏令一人掌庫藏財貨出納管繕之法式丞二人判署事元置太子司藏副司藏掌庫財貨出入之事

新編古今事文類聚外集卷之二

新編古今事文類聚外集卷之三

南江 富大用 時可 編

金陵 唐富春 子和 刊

睦親府部

判睦親正事

歷代沿革判睦親正事即宋之太宗正司也自仁宗景祐二年始置太宗正司以皇兄江寧節度使允讓皇侄彰化軍留後守節同知太宗正事時宗室子孫眾多聚居大第故于祖宗後各擇一人知宗正事令敘睦之違則糾其失焉元豐官制行詔太宗正司不隸六曹太宗正以宗室團練以上有德望

者為之次一人為同知位高屬尊者為判掌糾合族屬而訓
 之以德行道藝受其詞訟而糾正其愆違有罪則先効以聞
 法例不能決者同上殿取裁凡宗室服屬遠近之數及其賞
 罰規式皆總之屬有記室一人掌歲奏講書教授十有二人
 分位隸授兼領小學之事崇寧元年蔡京請宗室非祖免親
 以下兩世欲於西京南京遷輔每處置敦宗院光宗即位改
 為睦宗院元置睦親府掌敦睦糾率宗屬欽奉王事有判睦
 親正事以宗室中屬尊者充又有同判睦親正事同簽睦親
 正事並以宗室充又置睦親正丞及知事諸睦親將軍副將
 軍檢法等員

羣書要語以親九族九族既睦書堯典周家忠厚故能內睦九

族詩行葦親親以睦伐木三從九親別疎睦之族張晉傳整訓

屬族次第昭穆杜牧行李文學制選諸近屬之尊董我太宗之

秩曾子宣行宗晟制司典屬籍克有令名東坡除宗晟制惟我

公族統于太宗崇敘訓齊創宏規於文祖錢勰除宗晟制總訓

齊於屬籍宗景制惟時賢亮司我本支胡文恭行宗彊制董正

宗牒賜允弼詔首秉宗司同上資大德之夙成賴九宗之治正

胡文恭集董正宗籍賜允弼內以糾正於宗支元厚之除宗伯

古今事實

領宗正務

李勉都領宗正之務鄭侯家傳

定讀書規

治平元年判太宗正事允弼言詳定到皇親讀書等賞罰規式
詔依所定次第施行四朝國史

訓導行藝

神宗太宗正司同知官各一人以宗室團練使以上充掌宗室
之教法政令以行藝訓導而敦睦之受其辯訴之事而糾其失
違罪即先劾以聞即法例有疑不能決者同上殿取裁

舉劾過失

景祐二年二月太宗正司言皇族凡有違越過失請從本司舉
劾從之

置自訟齋

趙宣簡公不息字仁仲知太宗正事始置自訟齋請賜書使宗

室有過者讀焉奏修官學添弟子自訓勉宗室先教養後法戒
薦其秀傑者數十人多至通顯所論天下事尤多

築聞義室

英宗在藩邸凡宗室人材能否皆詳知之頗賢宗惠及即位擇
宗惠為同知太宗正事告以選任之意宗惠乃即所居室曰
聞義日與學士大夫講肄其間以身倡率宗屬

焚劄子檢

趙不息為太宗正司時歲大旱一日進九劄子上即施行退而
焚其檢上知其忠親信之宴禁中公前為壽上令公滿酌飲之
醴謂皇太子及嗣濮王等曰此賢宗室也葉水心集

詳酌奏請

詳酌奏請

景祐二年始置太宗正司以允讓與守節同領其事凡有奏請不得專達必宗正司詳酌而後以聞所以勉進其敦睦而糾正其愆失也

賜鞍馬

皇祐二年以允讓知太宗正事守節同知太宗正事仍賜襲衣金帶鞍馬時宗室子孫衆多方聚居於大第故於祖宗後各擇一人令敦睦之違失則糾正焉凡宗室奏陳先委詳酌而後聞仁宗實錄

賜甲第

仲忽入判太宗正事徽宗賜之甲第建親賢懋功之閣以示寵仲忽鯁亮端毅動循禮法立宗司法式四朝國史

父子司宗

元豐七年以宗景知太宗正事先是宗景父允弼司宗久故神宗復選而用之使諭其母先王父司宗正德及皇族令命而子繼之夫人宜多慰也四朝國史宗景

古今文集

雜著

增置同知太宗事詔

其略曰夫明德以親九族正家而刑萬邦古先哲王罔不由此朕嗣守不業率循舊章惟星屬之敦和命宗臣而董正念其性本於仁厚宜廣學以勤修顧其日益於衆多必增負而統理庶乎協贊其職並修厥官式孚予休以副予意

賜士僕辭免太宗正司不允詔
朕惟卿資宗室之英擁將旄之重俾統盟於庶族用蕃屏於行
朝庶籍本枝之強求圖龜鼎之固雖中外屬沾危之會而職休
惟同姓之均蓋體詔恩即抵官守懇辭之語朕未欲聞所乞宜
不允故茲詔示想宜知悉

睦親正丞

歷代公董神宗熙寧二年置丞三員以異姓朝臣充都官員外
郎張稚圭知丞事光祿寺丞奉德初同知丞事神宗疑用異
姓王安石言前代宗正固有庶姓時乃錄春秋時公族太
夫事神宗曰此雖無前代故事行之何害安石曰聖人創法

不必盡循前代所已行者於是召稚圭對而命之元豐五年
詔太宗正丞中書省奏差以文臣京朝官知元置丞二人因
舊制也

羣書要語晉丞理籍慶元制爰裨訓齊往分糾正同上替治公
姓人無間言曲阜集知太宗正丞崔公慶制

古今事實

相不能屈

田畫字承君人物雄偉議論慷慨俱有前輩之風入為太宗正
丞宰相曾布欲收置門下不能屈言行錄

自守無訛

曾恬少事楊時謝良佐陳瑾得存心養性之學及為太宗正丞

秦檜專政士未媚以取要官恬自守無所訕五中與係年錄

條上五事

知太宗承謝俊上宗室五事曰舉賢才以強本支更法制以除煩苛擇官師以專訓導繼封爵以謹傳襲修圖牒以辨親疎詔內外從官各舉宗室一人始立法大嚴學官又闕襲封之典遂廢宗正有寺無官故俊言之時用俊議惟襲封食

古今文集

古詩

送王龜齡赴越州宗丞

周必大

冊府號冀北一時聚奇材嗟我雖未至尚及相追陪胡子真老驥元董蓋龍媒兩來厭名韞履踏遊九垓王子乃汗血疑是曲

極傑忠精貫日月聲名震陪儂君王市駿骨得此七尺駉秣以天山禾貯之黃金臺王勒繡羅鞍映帶文錦鞵謂言開道路亦復薄蓬萊乞歸丞相府連月書日向東郊治公姓笑渡濤江雷奉身信美矣體國安在哉帝家十二閑何嘗列駑駘遲子復立仗來歸勿徘徊

新編古今事文類聚外集卷之三終

Blank page with faint bleed-through text from the reverse side.

新編古今事文類聚外集卷之四

南江 富大用 時可 編

金陵 唐富春 子和 刊

王府官部

傳 府尉 司馬

總王府官附

文學 記室參軍

歷代沿革漢帝子為王王國置太傅相中尉各一人後每國置郎中令一人晉諸王國大國有三卿左右常侍侍郎梁皇弟皇子府置師長史司馬從事郎中諮議及掾屬錄事記室中兵等參軍及文學主簿功曹等員嗣王府蕃王府則減後齊王位列大司馬上置師一人餘官大抵與梁不異隋親王置

師友各一人文學二人長史司馬諮議參軍掾屬各一人主簿一人餘事功曹記室等各一人唐親王府傳一人諮議參軍及長史司馬掾屬主簿錄事諸曹各一人文學記室典籤各一人宋王府師傅係以兼官為之而無定員又有翊善直講贊讀記室及諸王宮大小教授等官元止置傳府尉司馬文學記室參軍

傳

漢高祖初置諸侯王有大傅輔導主魏晉因之宋齊梁陳皆為師後魏諸蕃王各有師傅北齊唯置師隋皇叔昆弟皇子為親王者置師唐因之開元改為傅五代後唐長興四年以秘書監劉贊為之宋有其官而無定員正三品元傳正四品掌師範輔道參議可否

府尉

漢諸王國有王府尉魏晉宋齊梁陳北齊並有中尉隋因為尉唐因之置二人正九品下掌分判國司事宋無其官元置府尉從五品掌警嚴侍從檢校門禁總統府中事

司馬

司馬主兵官宋齊諸王領鎮者各置一人梁陳後魏北齊隋並與長史同置唐因之置一人從四品下掌統理府寮紀綱職務宋有其官名而無定員元司馬從六品掌同府尉之事

文學

漢公府州郡並有文學魏諸王始有文學員晉宋齊梁陳皆因之班第五從七品後魏六品上北齊因之隋唐親王府置一人從六品上掌讎校典籍侍從文章宋置元復舊制從七品

記室參軍

漢三公及大將軍皆有記室令史主上章表奏板書
記魏太祖輔漢以陳琳阮瑀管記室軍國書檄名二
人所作晉諸公及位從公已上並置宋諸公府置梁
陳公府及王府皆置北齊因之隋唐親王嗣王府置
掌表啓書疏宋太平興國中置政和中以參軍行軍
之際所稱詔除參軍字元復舊名正八品

古今事實

有召必至 以下係傳

皇太子繻末乞自退封東海王故重選官屬以杜林為傅從駕
南巡狩時諸王傳數被引命或多交遊不得應詔惟林守慎有
召必至特受賞賜又辭不受帝益重之 後漢

盡忠輒諫

吳儀子子羽南魯一宮初立儀以本職領魯王傅儀孺上宮相
近乃上疏以魯王兼資文武為國藩輔二宮宜有降殺正上下
之序明教化之本書三四上為傳盡忠動輒規諫 吳志

擇贊自傳

趙贊為秦王傅秦王從禁樞兵而驕言者請置師傅以傳之太
臣畏王請王自擇秦王即請贊拜秘書監為秦王傅贊泣曰禍
將至矣 五代史

知儀必儉

吳儀為魯王權傅盡忠規諫事上勤與人恭不洽產業不受施
惠為屋舍才足自容鄰家有起大宅者權出望見問大室者誰

左右對曰似吳儀家權曰儀儉必非也問果他家吳志

治官廉節以下係府尉

孔申公弟子為博士十餘人孔安國至臨淮太守徐偃為膠西中尉其治官皆有廉節稱其好學史記

論語同異

淮陽王宣帝愛子器異其子欲以嗣王持寵自驕乃用韋玄成為中尉以輔導之受詔與蕭望之等論五經同異於石渠閣三輔決錄

號將軍

梁孝王招延四方豪傑齊人公孫詭多奇計初見日賜金官至中尉號公孫將軍前漢

思中尉

劭弘字德裕時景帝為琅邪王請弘為中尉弘體素方嚴儀度甚偉雖私門接對悉委身隨使者潛至舍令使者進曰王有令弘徐理鬢冠履俯伏盡禮然後讀之王與使者羣立瞻聽歎曰古人稱不愧于屋漏其邵中尉乎吾乃逆詐以試長者豈不陋哉王虛心受納忻宴言話晝夜無休弘乃上書諫王書讀三四瞿然失色後謂左右曰思邵中尉之言使人于今毛豎前後

母為王吏

王吉為昌邑中尉以數諫王得減死見戒子孫母為王國吏

後魏王晞為常山王司馬在并州雖戎馬填間未嘗以世務為

累良辰美景嘯詠遨遊登山臨水以談燕為事士人謂之方外司馬北史

驢府司驢

謝超宗為黃門郎以失儀出為南郡王中軍司馬人問曰承有朝命定是何府超宗然望答曰不知是司馬為是司驢既驢府正應為司驢有司奏以然望免禁錮十年南史

諫王不法

蘇良嗣高宗時為周王府司馬王年少不法良嗣數諫甚見尊憚

吾子賴卿

劉惔之拜相王府司馬帝謂曰卿家忠孝吾子賴卿師矩慕逢

在麻不扶而挺也

善詩賦以下係文學

晉諸公贊扶風王年八十聰明善詩賦中表奇之魏列祖以為齊芳王文學

善辭藻

竟陵王子良開西邸招文學牛僧孺虞義丘國眉蕭文琰丘令楷江洪劉孝孫並以善辭藻游焉

不取貴遊

齊衡陽王好學善屬文武帝謂王儉曰衡陽王須文學當使華實相稱不得止取貴遊子弟而已乃以太子舍人蕭敷為文學南史

精選賓友
晉鄭表魏武帝初封諸子為侯精選賓友表與徐幹俱為臨菑文學

察王舉措

山中恭王衮每讀書文學左右常恐以精力為病數諫止之然性所樂不能廢也文學方輔相與言曰受詔察王舉措有適當奏及有善亦宜以聞不可匿其美也遂共表稱陳衮美衮聞之大驚書讓文學曰修身自守常人之行耳而諸君乃以上聞適增其負累也魏志

作富貴箴

以下係記室參軍
孫覺傳字華老遷昌王府記室參軍王禮之問終身之戒覺為

陳諸侯之孝作富貴箴

陳進退節

神宗封淮陽王穎王韓維皆為記室參軍王每事必訪維悉心以對至拜起進退趨揖之容皆陳其節四朝國史

專掌文疏

東海王越以孫惠為記室參軍專掌文疏每造書檄越嘗驛馬催之應命立成吳志

面叱巧令

甯備為晉府記室賈琰為判官每諸王宗室宴集琰怡聲下氣褒讚捷給備叱曰賈氏子何巧言令色之甚獨不俱于心邪楊文公談苑

不可得而親疏

薛元敬薛收及族兄德音齊名世稱河東三鳳收為長雛德音
獄羅元敬年最少為鷓雛武德中為記室元敬謹畏未嘗申款
曲於房杜如晦歎曰小記室不可得而親不可得而疏

不可有功名心

韓維字持國神宗初就外傳以維為王府記室神宗嘗與維論
天下事語及功名維曰人之功名因事始見人不可有功名心
神宗稱善國史

新編古今事類聚外集卷之四

新編古今事類聚外集卷之五

南江 富大用 時可 編

金陵 唐富春 子和 刊

節使部

節度使

歷代沿革 古方伯連帥之職後漢劉虞為幽州牧就拜太司馬
公孫瓚討烏桓詔令授虞節度晉伐吳詔王守受杜預王渾
節度唐自武德至天寶以前邊防之制其軍城鎮守捉皆有
士而道有大將一人曰大總管已而又曰大都督至太宗時
行軍征討曰大總管在其本道曰大都督自高宗永徽以後

都督帶仕持節者謂之節度使然猶未以名官景雲二年以賀拔延似充河西節度使自此以後接平開元天寶之間朔方隴右河東河西諸鎮皆置節度使緣邊之地凡八節度外任之重無比焉至德以後天下用兵中原刺史亦循其例受節度之別若諸州在節度使內者皆節度焉宋節度使並兼管內官察處置等使以本州刺史長史為節度官察等使不臨本部者以它官知判州府事防禦團練使刺史不赴本任亦如之故事節度使不帶使相位在卿監下至乾德五年并節度使班在龍墀內金吾將軍上無定員恩數與執政同初除鎮院降麻禮尤異焉祖宗以待宗室近屬外戚國婿年勞久次若外任除殿帥始授此官亦止一員或有功勳顯著任

帥守於外及前宰執拜者不輕受政和以後宦官秉旄鉞者蓋小負戚里以濫恩破格橫選者亦時有之政和二年詔節度使以下更不帶持節字只稱某軍節度使元祐官品令節度使從三品元節度使正四品

羣書要語元戎十乘詩總元帥之任殿天子之邦六帖節制諸侯糾繩列郡重鎮雄藩分麾授律見牙木任分闔重寄轅門幕府將星人傑鎮撫方城藩屏邦國外威夷狄內撫黎元作捍方隅以將王室有國柱石予王瓜牙旌旗重寄河洛要冲蘊佐命之才有今邦之任偶唐虞之代立方邵之勲並同上幢牙茸蠶金巾柝羽旆旌旗柳宗元集寵任麾鉞楊炎志入參廟美出總師干李受志

事類彙編卷之五

授鉞開府殿我南邦白集設壇而拜授鉞而征持衛義之印即

拜軍中授岑彭之節行於闡外元集初司戎鉞文集限守戎律

同上制統節制之師貞否臧之律撫其四封率彼五長常集除節

度志制旌惟進善節以詰奸同上為王瓜牙為國藩垣韓愈上邢

君牙書擁節總戎率身和眾劉禹錫集豹尾神旗彙堯載靈韓

文龍旂四牡鈞膺鏤錫命服有煒先君再揚除集節度使碑壽

甲瑀戈涇師以往隼旗驚尾涇俗以寧涇原節度劉昌碑時昌

為南邪王檢校僕射李國貞碑再麾飄飄而出守十乘隱轡以啓行常集龍節蜺旌

降於天上蘇書翠軸錫在掌中同上帥鉞將旌非功弗授曲阜

詩紅旆將軍昨日歸白居易注藩鎮例駟紅旆詔出未央宮

登壇近總戎上公周太保副相漢司空可抱關西月旂翻渭北
風岑參選李太保充渭北節度

古今事實

賜之旌節

唐節度使掌總軍旅顯誅殺初授具帑秣兵伏請兵部辭見觀

察使亦如之辭日賜雙旌雙節行則建節樹六纛中官祖送次

一驛輒上聞唐百官志天寶中緣邊禦戎之地置八節度使受

命之日賜之旌節謂之節度使得以專制軍行則見節樹六

纛外任之重無比焉職官分紀

賜以樽勺

牛僧孺字思黯為山東道節度賜彙樽龍勺詔曰精金古器以

傳文類彙編卷之五

比况君子

親王遥領

開元中剡王除安北大都護充安撫河東關內隴右諸蕃部落
大使親王遥領節度自此始

宰相遥領

開元十四年河西節度副大使知節度使蕭嵩除同中書門下
平章事節度如故宰相遥領節度自此始

父子更九鎮

唐柳仲郢父子更九鎮

同日踐兩鎮

李愬字元真帝方經營隴右徙愬節度鳳翔李師道反詔愬武

寧同日踐父兄兩鎮世以為榮

六遷大鎮

李晟克復市不易肆及愬平淮蔡復踵其美父子仍建大勳兄
弟籍父勳烈率以第宅相高惟愬六遷大鎮所處先人舊宅而
已耳

四佩將印

正中似為河西隴右節度使權朔方河東節度佩四將印勁兵
重地控制萬里近世未有也

烏集榮戰

柳仲郢為太平軍節度使自拜諫議後每遷官羣烏大集於昇
平里第庭樹榮戰架皆滿凡五日而散詔下家人以為侯除太

平鳥不集

持節就第

自至德後方鎮降拜必遣內使持幢節就第唐職林

入境築樓

唐節度使入境州縣築節樓迎以鼓角衛仗居前旌幢居中犬

將鳴珂金鈿鼓角居後州縣齋印迎于道左從事三日洗印視

其刑闕歲以八月考其治否銷兵為上考足食為中考邊功為

下考

臥護北門

裴度為河東節度帝命盧弘宣諭曰為朕臥護北門可也

堪富闡奇

唐玄宗求良將委以河東河北之事問郭子儀子儀薦李光弼

賞罰分明

封常清北庭都護持節伊西節度常清性勤儉耐勞苦出軍乘

騾私旆裁一馬賞罰分明

威令簡肅

李愿元和初為銀州等節度使威令簡肅甚得綏懷之術

政更寬恕

王周歷貝州涇州節度使涇州張彥澤為政苛虐民多流亡周

乃更寬恕問民疾苦去苛弊二千餘事民皆復歸歷四鎮皆有

善政

政代寬簡

張洪靜徙節宣武承韓洪虐政代寬簡民便安之

秋毫無犯

郭子儀李晟為節度使收長安秋毫無所犯

令嚴無犯

令狐彰拜滑亳魏博節度使當寇衝城邑墟榛彰躬訓吏下檢軍力農法令嚴無敢犯者田疇大闢庫委豐餘年時貢賦如期

頗有治名

薛嵩相衛邢洛等州節度使方大亂後人亦厭禍嵩謹奉職頗有治名

更除繆政

安潛代高駢領西川節度使倚駢為奸利者潛誅之數年更除繆政

公退端居

段秀實拜涇原鄭穎節度使二四年間吐蕃不敢犯塞清約率易遠近稱之非公會不聽樂飲酒私室無妓女無贏財公退之後端居靖慮而已

戎服待見

柳公綽使山南時牛僧孺罷相入江夏公綽具戎服於郵舍待之軍吏以漢上地高於鄂禮太過公綽曰奇章才離台席方鎮重宰相是尊朝廷也竟以戎容見之

為治嚴稜

裴玠授同州節度元和二年徙山南東道玠為治嚴稜畏遠權勢不務貢奉蔬食敝衣居處取庇風雨而已倉庫充實百姓未嘗騰索

徐申進嶺南節度使外蕃歲以珠璣瑁香天犀浮海至申於常貢外未嘗騰索商賈饒盈

信懷義成

袁滋徙義成節度使滑用武地東臨淄北魏博滋嚴作而推誠信務在懷來李師道田季安畏服之居七年百姓立祠祀祭

威震兩河

却士美討王承宗遣大將王獻督萬人為前鋒獻恣橫士美斬以徇下鼓之大破賊憲宗曰固知士美能辦吾事承宗大震懼

會諸班師威震兩河

斬折七軍

高宗文元和初為右神策行營節度使統諸鎮討西川劉闢至興元軍中有折旅店之七者者斬以徇初關擒東川節度使李康及崇文克棣州而歸康求雪已罪崇文以康戰軍失守斬之誅舞文吏

柳公綽為山南東道節度使行部至鄧縣有二吏犯法一贓賄一舞文縣令以公綽守法必殺贓吏獄具公綽判之曰贓吏犯法法在奸吏壞法法亡誅舞文者

斬朱泚使

韋臯為管田判官權知隴州留後事朱泚既僭遂令家僮使于

皇又遣劉滄質授皇鳳翔節度使皇俱斬以徇於是進皇為御
史大夫隴州刺史置奉義軍節度使以旌之

行守珪令

張九齡為相范陽節度使張守珪以裨將安祿山討奚契丹大
劔執送京師請行朝典九齡奏曰守珪軍令而行祿山不以免
歿

許民它遷

張延賞為淮南節度歲旱民它遷更禁之延賞曰抱此而斃不
如通彼以生乃具舟遣之勅吏為修室廬已通債而歸者更增
於舊瓜步舟車津湊而遙擊江南延賞請度屬揚州自是行無
稽墜

禁俗不葬

李嵩檢校太原以北諸軍節度使太原俗為浮屠法死不葬以
戶投山谷飼鳥獸號其地曰黃坑有狗數百頭習食肉頑為人
患吏不敢禁嵩至遺捕羣狗殺之申厲禁條遂革其風

西道遂通

李臯遷荆南節度使凡戰大小三十二取州五縣二十斬首三
萬二千生擒萬六千未嘗敗師所過不敢伐桑棗踐禾稼朝廷
仰食江淮而淮西道出九江至大別皆與賊接臯轉戰數千里
餉路遂通江漢倚臯為固

南裔肅然

李復轉嶺南節度使時安南經略使高平正張應繼卒其佐李

元度胡懷義等阻兵脅州縣肆為奸賊復至誘懷義杖歿流元
度南裔肅然教民作陶在鑄諭蠻獠收瓊州致都督府

自擇留後

杜牧追歿長慶以來朝廷措置亡術復失山東鉅封劇鎮地大
者連州十餘小者猶兼三四故兵驕則逐帥帥強則叛上或父
歿子握兵而不肯代取捨由於士卒往往自擇將吏號為留後
以邀命于朝天子力不能制因而撫之謂之姑息之政姑息愈
甚而兵將愈驕由是號令自由以相侵擊唐兵志

號為債帥

唐忠武節度王沛然宰相裴度韋處厚以高瑀領忠武節度自
太曆後擇帥悉出管軍中尉所輸貨者假貸富人後得所欲則

推髓斷膏倍以酬息十償六七及瑀有命士夫相告曰韋裴作
相天下無債帥

降麻非故事

唐制節度使除僕射尚書侍郎者謂之納節皆不降麻止舍人
院草制宋天禧中丁謂自保信軍節度使除吏部尚書參知政
事先公在西閣草制政和中韓公自武康軍節度使除工部尚
書三司使降麻非故事也春明退朝

節度有二印

宋祥符中上覽河南節度使知許州石普奏狀用許州觀察印
以問宰相王旦曰節度軍州有二印兵仗則節度判官掌書記
推官署狀用節度印印之舊職則觀察判官署狀用觀察印印

之符制屬縣則大使判署用州印取之同上

二世節使

宋朝二世節度使一家吳琳子挺孫曦

四世節使

四世為節度使一家錢忱高祖倣曾祖惟演父景臻鄭藻大父
紳父成之子與裔

五世節度

五世為節度使一家韓侂胄曾祖忠獻從子邈從孫同卿曾
孫

父子建節

父子建節十三家劉光世父延慶錢忱父景臻邢煥子老揚章
淵子謙吳珍子拱吳璘子挺郭浩孫杲楊存中子俊劉錡文武

仲吳益子瑒瑛吳益子瓌吳挺子曦

兄弟建節

兄弟建節七家吳玠弟璘錢忱弟恒韋謙弟謹吳益弟蓋吳按
弟挺吳琚弟瑒李孝友弟孝純

古今文集

雜著

代郭子儀謝副元帥河中節度使表 邵說

寄深匡輔任切安危寵命逾臨憂惶如灼且其中謝臣智術凡
淺才略無聞承日月之光遇風雲之會自奉先帝猶以馳驅被
甲即戎載惟寒暑比憑朝美克振天聲雖毫髮之功曾無足紀
竟不能掃蕩妖孽使八方攸同謬踐中樞仍叨上將分茅錫社

榮貫一時悒悒之誠切自增愧今又猥蒙驅策出鎮河中授臣以連帥之權委臣以專征之務雖才輕方名而任比相文此陛下除奸之時乃微臣死難之日切見自古忠義之士莫不扶危救禍憂國忘家雖在暮年猶思報主則廉頗強飯馬援據鞍以臣方之有甚前哲軍國事重不敢固辭普竭股肱之力以副腹心之寄儻呈猷獲展寇難克平殞身戎行實無所恨無任感恩

代郭子儀辭河東節度使表

邵說

祇拜休命內揣薄才委任專崇周章失據臣某中謝臣聞邊之安危係於所用事之成敗諒在先謀故寸壁必求良士尺金亦資善製况夫謀無智勇備列戎旃自守封疆頗淹歲序肅將朝美剪滅兇徒此乃天功匪惟臣力陛下不遺天馬念以驅馳收

其分寸之勞加以丘山之賞禮因位重恩與日深常恐顛危不克負荷所以非有陳讓乞得范陽而手詔曲垂不家允許退就私室切愧明時素食之詩自臣攸作今又更承榮命兼以河東邊境相連二千餘里烽燧列警斥候須明雖則居安終資有備以臣獨制謂必無失然以能處一事身任一官猶擇其人且愧曠職况臣旁領二節控帶數藩智有所不周心有所不及兵權倘失奔駟寧追實慮授受乖宜簡書是畏特望於臣不逮察臣愚謏更選良能付以旄鉞則樵夫絕議官序有倫

謝浙西節度使表

顏真卿

聖德含弘不遺簪履捨其罪戾假以麾幢感戴恩榮外生知報臣其中謝臣以為全吳舊國分閩重權煮東海以自資墜西河

而作固九州天險之地。六代帝王之都是。以魏文興嗟。其從南
 北之限。符堅恃眾。爰喪百萬之師。豈不以形勝是先。腹心斯切。
 親賢重寄。鎮遏攸難。矧在庸微。寧堪及此。是以拜命之日。以榮
 為憂。制書以本月四日至。饒州臣以今日發。赴本道。取都統節
 度觀察使李岷。處分訖。即赴昇州。即當繕修甲兵。撫循將士。觀
 察要害。以備不虞。假陛下英武之威。守陛下聖明之理。一心戮
 力。上答天慈。伏惟陛下察臣愚衷。則死且不朽。無任感戴屏營
 之至。

代辭節度使表

汪藻

謀恩隆洽。久蒙曠責之譏。小已兢慚。敢緩辭榮之請。具輸愚懇。
 仰冒隆威。中謝伏念。臣早濫褒揚。侵階華近。雖孤忠圖報。苦

殞以為期。然晚節知非。悟滿盈之可戒。昨侍言於帷幄。祈休迹
 於田廬。甫解煩機。遽頒異數。以章句小儒。而竊授方之寵。以
 升素志。而叨制祿之優。方渙號之已行。固牢辭而莫獲。坐貪名
 器。存歷歲時。若猶冒昧以自如。將至顛墜。而靡悔。伏望皇帝陛
 下。特垂公聽。俯諒忱辭。鑄築壇節制之名。守留鑰允厘之任。豈
 獨少安于分。願固將無累於恩私。既聖度曲全諒。保益謙之終
 吉。况天威未遠。敢忘歸美之餘忠。

代薛門下辭免節度使表

汪藻

引疾辭榮。方幸機衡之解。疏恩越等。乃蒙旄節之頒。凜如淵谷
 之臨。莫測雲天之施。輒布由衷之懇。仰干方命之誅。伏念臣承
 學闕如。起家寒甚。早被聖神之遇。遂奉承弼之司。黽勉十年。周

旋三省妨賢最久自知罪戾之盈容跡每安實賴恩憐之至此
失衛生之理益懷誤國之憂力丐投閑僅蒙賜可所願退安於
散秩敢圖併受於隆名惟齊鉞臨師本人主待有功之士而相
廷置使亦朝家優元老之臣顧平時猶懼于素飭豈病質乃堪
於微使伏望皇帝陛下不忘舊物深諒微忠量才能小大之宜
盡庇覆始終之意特回渙號靡速煩言未泯餘生尚可筋骸之
強誓堅晚節仰酬體貌之優

真定府總管謝上表

張太傅

河朔雄藩戎昭重柄猥承選用俯愧踈愚蒞事方初撫躬增悞
中謝伏念臣素無器業孤奉明恩自塵換秩之勞荐被董戎之
寄西人外鎮累分經討之權北虜近邊即授撫綏之任曾微績

效但撥僭尤顧擯矣以誠耳居冗散而為戒敢冀皇明下燭寒
灰復然召從江海之濱再立軒墀之下仍分戎柄兼處兵衝臣
昨入侍禁廷及赴早職將辭輔座親奉玉音矜其驅策辛勤察
其遷徙煩併許令今任且俾安居雖均勞逸之宜實被丁寧之
誨此蓋伏遇皇帝陛下熙隆寶運維御羣才特推求舊之恩得
展自新之效矧又不兼屯局專治兵家惟紀律之素嚴寔詔條
而慎守謹當愈堅成節曲盡訓齊無事之秋使管而知勸臨敵
之際則授命以忘身冀竭愚忠上酬恩造

河西節度使廳壁記

楊炎

皇帝肇建節制之任位以上將王四方之兵濟河而西五侯四
將十有六縣大海磅礴乎終始山河迴流其左右旄頭虎力之

勁劔服穹廬之長煌煌乎長車千乘橫合萬里皆主乎是邦故
 秦已上為戎都漢已下為巨防有城府襟帶焉有良將木動焉
 有五都污雜焉其風悍其國險鮮車龍服豈然相蕩非古之戰
 牛馬以成其業而樹其風者哉昔在武德之初上用雄武大才
 則我隴西李王肅明乎神化大家宰宇文公駙馬喬公出將我
 前軍中興之後循吏繼作則館陶侯郭公鷓鳩氏司馬公相國
 韋公蕭公庶績交修以被昇平之化當今王室多故雲海沸騰
 則僕射哥舒公以縱橫之奇判總軍國其意者將復用雄武大
 才乎君子曰武德之官神以略其化成中興之政儉以行其
 俗阜當今之理動以合而人安宜乎盡天下之才隨質文之變
 以未來裔大康乎斯時天寶十二年夏六月記

邠州節度使廳記

鄭處晦

邠為古國其俗質而厚其人朴而易理業尚播種畜擾有后稷
 公劉之遺風始皇并天下地屬喬輔後漢析為新平郡後魏改
 置邠州國朝因之開元中詔以函幽為疑因改為邠天寶已前
 太平歲久西通伊涼萬里而遠邠實為近郡申王薛王以親賢
 之貴居之太尉房公以盛德之重居之洎逆胡勃起幽朔西戎
 塵空湯湯乘艱難際盜據河右蕃兵去王城不及五百里兵由
 是為邊郡斥侯近郊鎮要害太曆中尚父汾陽王始以朔方軍
 壯其威容後益選武勇驍健有膽決奇謀者繼之今天子三年
 西戎款關獻河湟數州故地西鄙益託邠為近藩上念兵戎方
 息邊備愈遠始詔司空白公由丞相府持節來鎮丞相功成繼

命文雅忠恕之風煦然而起。邊人若寢寤拭目。心意蘇醒。始知禮讓文化之為急務。廷議以我季父尚書公前為夏帥。夷畔不。安。寇盜弭息。儲廩果實。械果完。懋賞。林績。遷鎮。是軍季父。又以理夏之政。移之於邠。邠人嬉嬉。薰為太和。嘗觀屋壁。志前帥。是軍者之名氏。因曰。曩之帥此者。豈不知是邠始務公車而角。材堅壘未暇。及此爾。吾既承數君子大理之後。敢不勤督。吾之。味至者。况今戎醜既夷。不須獨以鳴鼓。擊刺為事。因命疏。自開先已來。刺是郡帥。是軍者。追書于屋壁。季父尚書公曰。吾。思將有以警乎。吾前整。吾後者。邠之士實。婦人無。不能。自衣朔方之軍。雄男子勇于公戰。無他業。以自厚。故郡之人。以。耕稼為事。軍之卒。以勇敢得賞。後之撫于人者。宜勉農畝。時其。

徵調。人不復而完富。夫帥于軍者。宜嚴其刑賞。時其衣食。卒不。驕而勇敢矣。人既完富。卒既勇敢。生聚之訓練之。吾知青海之。西不數年。為內郡矣。命處晦。記其終始。序于前後。處晦謹以季。父之言。志于後。將永於後之人。俾無忘。太中二年二月日記。

邠州節度使院記

李直方

自西漢始置幕府。得顯辟士。其聘舉之盛。與公府置吏。王國命。官為比。於是。有班固傳。殺崔駰。蔡邕陳琳。阮瑀之徒。出焉。大抵。多巡禦封略。經綏成事。居無恒處。秩靡常品。故命之曰。賈國朝。為方岳之任。慎求其佐。頒以職貢。為之定制。或辟自諸侯。或降。于朝廷。皆命于天子。其所司也。調政教之和。策軍美之秘。出入。聘覲。應對。賓客。其立署也。行有戎次。處有公堂。與方伯周旋。彌。

縫潤色而已王畿之腋劃為巨防外殿朝那作捍西卷中拱皇
 都以臨諸夏漆沮之仁既遠華夷之俗相循非瓌材英傑莫與
 封守非莊明純固莫能配佐六年春皇帝勞韓侯牧圉之觀俾
 尹西夏申命御史中丞王君等九人為之使介既而師貞于律
 農勤其功惠和威武澤浸火烈孟秋述職曜兵河塞亭障蕭條
 千里晏清然後用虎旗虵矛定功于蒲入觀皇都增秩受賜旋
 師舊服勳明德舉非元臣雄略能賢嘉績茂用濟此先是尚父
 郭公開府是邦搜賢勿一俊又咸集不十數年持樞衡治邦憲
 司詔命者咸布職於清朝今韓侯亦能詳延端士輔相威德則
 是府將來宜為駿賢之郊敷榮達之閭閻衛多君子邇其有之
 夫敬其事則命始春秋之誼也是邦當徵號朔方而以名師建

為三郡肇基於我書事舉德且始韓侯此記舊題於堂之北墻
 慮其日文字湮滅作者之文莫傳遂刻石以紀之李公自正字
 歷金吾掾廷詩長安主簿遷監察殿中侍御史左司員外郎今
 為韶州刺史其早與公遊知公異時之大來也庶斯文之不泯
 貞元二十年十月日記

鎮海軍使院記

羅隱

惟天子建國必維九牧九牧既序區分局署兩漢三公府有掾
 屬魏晉而降則置行臺若魏以秦王儀鎮中都高齊以辛術監
 治東徐州事皆行臺之任也其官屬則令僕以至於尚書丞郎
 唐制由行臺而置採訪使殆今節制之始也鎮海軍舊治京口
 太丞相以錢塘之眾棧漢宏西殲逆朗天子不欲易其土故自

符竹四命然後移軍於錢塘生以物宜租賦以復其舊址廣以新規廊閣開闔拔起階級俾幢節之氣色貌武之出入得以周旋焉庚申年始闢太廳之西南以為賓從宴息之所左界飛樓右廂嚴城地登勢峻約而有敵肥楹巨棟間架相稱雕煥之下朱紫冉冉非若越之今而潤之舊也疆場之事則議之於斯聘好之禮則接之於斯生民之疾痛則啓之於斯軍旅賞罰則參之於斯非徒以酒食駢羅而諛言嘲諷者也其府屬以下或入都舊將或從公于征或稟之於朝廷或拔之於鄉里故天子用青官傳道之選以佐之較教民論道之任以副之其餘省秩卿曹職領相次自我朝藩服官屬之盛無加也噫大丞相之勲德既藏之天府而攀鱗附翼者非鐫刻樂石其可久乎是年冬

十月始命觀察判官羅隱記

防禦使

歷代沿革 唐武后聖曆元年以夏州領防禦使防禦使之名自此始開元二年薛訥為隴右防禦使天寶中安祿山犯順太郡要地當賊冲者置防禦守捉使代宗授田承嗣魏博等州都防禦使大率防禦隸所治州歲以八月考其治否以無虞為上考清苦為中考政戒為下考宋 澠州制置諸州防禦使元置諸路防禦使掌防制盜賊事

羣書要語 朕之腹心 兵防之任 同上 宜進厥位以稱禦侮之實 荆公除皇姪制禦侮之寄 曲阜除曲珍制列位

軍防

淇水除皇伯克思制

正名閑禦之任

樂城除曹評制

爰昇

扞防之秩

龍溪制

升軍禦之任增使節之華

除文恭行李希及

古今事實

虜不能犯

薛可言少帝即位遷澶州防禦使時虜寇魏博遊騎晨夕至河上可言備豫有素虜不能犯

民皆便之

五代世宗時李王為安州防禦使治郡寬簡民皆便之吏民數百人詣監軍馮守規請立碑頌德詔中書舍人富儀撰文賜之

州人立碑

郭王世宗時為齊州防禦使歲不登以俸鈔分施饑民自隣境

來者亦均給之人懷其惠相率詣闕頌其德政立碑

郡人立碑

宋李漢超為齊州防禦使郡人愛之求為立德政碑太祖詔徐鉉撰文賜之

邊夷畫像

楊政字延昭為防禦使屢有邊功天下稱為楊無敵夷虜皆畫其像而事之云以禦鬼疾

新編古今事文類聚外集卷之五

事文類聚外集

卷之五

八年罷天下兵馬元帥建中四年以李希烈反置諸軍行營兵馬都元帥會昌中置靈夏六道元帥天復二年置諸道兵馬元帥尋復改曰天下兵馬元帥五代長興間加為天下兵馬大元帥錢俶在漢朝為東南面兵馬都元帥宋建隆元年加錢俶為天下兵馬大元帥元立都元帥府掌征討之事有都元帥左右二副元帥左右二監軍又有檢法等員

古今事實

詩書元帥 晉作三軍謀元帥趙衰曰卻縠可臣亟聞其言矣說禮樂而敦

詩書詩書義之府也禮樂德之則也德義利之本也

節度元勳

唐詔郭子儀李光弼等九節度之師討安慶緒帝以子儀光弼俱是元勳難相統屬故不立元帥

征討元帥

唐榮士琬為征討元帥高仙芝為副琬素雅稱風格秀整時士庶咸服焉

撫軍元帥

唐靈王琰英毅有才略善騎射每血戰在前時玄宗幸蜀留肅宗討賊至靈武肅宗即位欲以廣平王為元子以琰為兵馬元帥左右曰廣平今未冊立艱難時人猶屬望于元帥况太子從曰撫軍守曰監國今之元帥撫軍也廣平為宜遂以廣平為元帥

王冊金印

同光中以錢鏐為天下兵馬都元帥尚父尚書令封吳越國王賜王冊金印

手詔勅書

唐代宗即位內官程元振忌嫉宿將郭子儀巧行離間請罷副元帥子儀既謝恩上表進肅宗所賜前後詔勅因自陳訴曰陛下曲垂惠獎念及勤勞貽臣詔書一千餘首聖旨微婉慰諭綢繆彰微臣一時之功誠子孫萬代之寶自靈武河北河南彭原鄜坊河東鳳翔兩京絳州臣所經行賜手詔勅書凡二十卷昧死上進庶煩聽覽詔答曰朕不德不明俾大臣憂疑朕之過也臨軒授鉞

德宗幸山南以渾瑊充朔方邠寧振武等道兼永平軍奉天行營兵馬副元帥上臨軒授鉞用漢拜韓信故事

上樓行禮

唐郭子儀自涇陽入朝帝御安福門待之命子儀樓上行朝見之禮宴賜隆厚

圖凌烟閣

唐德宗初為天下兵馬元帥封魯王時史朝義據東都代宗遣德宗會諸軍大舉破賊于洛陽朝義走河北分命諸將追之俄而賊將斬朝義首以獻河北平以元帥功拜郭子儀等八人圖形于凌烟閣

創凌烟閣

昭宗末年中書奏西京舊有凌烟閣圖畫功臣今遷都洛陽合議脩建副元帥梁主勳庸冠世仍請凌烟閣側別創一閣以表殊勲從之

陳人退走

後周韋孝寬至淮南所在皆密送誠款謂五門尤為險要陳人若開塘放水即津洛路絕孝寬遽守之陳刺史吳文立果遣決堰已無及於是陳人退走江北悉平

公拓授首

唐輔公拓據江東反命河間王孝恭為行軍元帥擊之將發宴諸將取水忽化為血在坐失色孝恭飲之曰此公拓授首之徵也哀服其識度後果擒公拓

有功遙統

開元十八年奚契丹犯塞肅宗時為忠主乃授河北道元帥信王偉為副帥御史大夫李朝隱等八總管兵討之及諸將大破奚契丹肅宗以遙統之功加司徒

竟不臨戎

隋開皇十八年以漢王諒為行軍元帥水陸二十萬伐高麗諒至遼水師遇疾疫不利而還十九年突厥犯塞又以諒為行軍元帥竟不臨戎

清河江神

隋楊素為行軍元帥伐陳素率水軍東下舟艦蔽江旌甲耀日素坐平乘大船容貌雄偉陳人望之曰清河公即江神也

兩浙尚父

唐詔曰朝廷每有將相恩命准往例列銜於勅牒後側書使字
今兩浙節度使錢鏐是元帥尚父與使相名殊不合列署勅尾
今後每署將相勅牒宜落下官位仍求為式

詔置寮屬

吳越正明三年詔授錢鏐諸道兵馬元帥四年置元帥府寮屬

遣將誓師

錢弘佐開運二年詔授東南兵馬都元帥李璠贊之求救也諸
將皆不欲行弘佐因召文武官集議果言山水險惡不可與兵
弘佐變色曰唇亡齒寒古之明戒吾為天下元帥豈不能恤隣
若有異議者斬衆皆攝伏乃遣將誓師辭令明肅果有成功

監軍

歷代沿革 史記司馬穰苴請以寵臣為監軍後漢光武使來歙
監諸將 晉武帝以刺史為監軍唐以宦者為監軍五代後唐
亦有太原監元都元帥府有元帥左右二監軍亦掌征討之
事

古今事實

銳卒遊軍

司馬文正征壽春使監軍石苞簡銳卒為遊軍魏志
襄帳撫帝

後唐張承業為太原監軍常從征討王師既退沐營大將周德

事文類聚

威慮其奔衝堅請退舍帝怒垂帳而寢諸將咸詣監軍請承業
遷至牙門褰帳而入撫帝曰此非安寢時周德威老將洞識兵
勢姑務萬全不可忽帝蹶然而興曰予方思之其夕遂收軍
代史

斬狗驕貴

齊司馬穰苴將兵扞燕晉之師苴曰臣素卑賤願得君之寵臣
國之所尊以監軍景公使莊賈往苴與賈約會日中於軍門苴
先馳至軍立表下漏賈素驕貴夕時乃至苴遂斬賈以徇三軍
士皆震悚服之史記

懲踰法禁

張承業為太原監軍武皇屬以後事曰吾兒孤弱羣庶縱橫後

事公善壽之承業奉遺詔兼畧居多在宗感其意兄事之時諸
王之貴介弟在晉陽宮或不以其道承業悉不聽踰法禁者必
懲由是貴戚斂手

不與積錢

後唐莊宗時或有中傷監軍張承業於莊宗者言專弄威柄廣
納賂遺莊宗歲時還晉陽宮有太后嘗置酒命典聖宮使繼及
為承業起舞既罷承業出寶帶幣馬奉之莊宗指錢積謂承業
曰和歌繼及字也無錢使七歌與此一積寶馬非殊惠也承業
謝曰郎君歌舞承業自出已俸錢此錢是大主庫物准擬支贍
三軍不敢以公物為私禮也

自劾矯詔

事文類聚外集

卷之六

六

宋均為監軍時將軍馬援征漢南臨水軍士多病均懼衆疾疫
矯詔迫降之諸將莫應均力勒兵圍賊詐為詔而降之為置長
史而歸自劾矯詔之罪帝善之

止可委官事

蕭復為相嘗言艱難以來始用宦者監軍權望太重是曹止可
委官掖事兵要政機難使參領帝不聽

不得干軍要

李德裕為相先是韓全義敗於蔡杜叔良敗於陳皆官人監軍
制其權將不得專進退詔書一曰二四下宰相不與又諸道銳
兵驃士皆監軍取以自隨每督戰乘高建旗自表小不勝輒出
旗去大兵隨以北由是王師所向多敗至討回鶻澤潞德裕奏

請詔書付軍司乃下監軍不得干軍要自是號令分明將乃有

功

口毀子儀

唐九節度圍賊相州以魚朝恩為觀軍容使郭子儀有定天下
之功居人臣第一朝恩心妬之乘相州敗醜為詆譖肅宗不納
其語然猶罷子儀兵軍京師代宗立與程元振一曰加毀帝未
及寤子儀憂甚俄而吐蕃陷京師卒用其力王室再安朝恩內
斬

天奪子布

張承業為太原監軍帝初獲玉璽諸將勸帝復唐正朔承業自
太原急趨謁帝從容言曰今元凶未殄軍賊不克願殿下受人

推戴悠悠之謀無益實事因泣下沾衿帝曰予非所願奈諸將何承業自是多病日加危篤卒於官凶問至帝悲慟連日輟食因言曰天奪孤之子布也

招討使

附副招討

歷代沿革唐貞元時置招討使自後隨用兵權置兵罷則停後

以節度兼支度管由招討經畧使則有副使判官各一人

代後唐亦以招討使為都統之副宋因之元有招討使副招

討

羣書要語前命相臣招懷撫於而誑誤示以生門期於盡脫網羅豈欲驅之陷穽而豺狼當道荆棘牽衣雖欲歸之於仁厥路

無由而至

元稹裴度制

一劔橫陣萬夫莫前陰則難窺勇則重

閉亞夫緩急之任繼父絳侯恭遵禦侮之才為吾子路一品集

王宰制

古今事實

兼招討使

唐德宗初即位建中二年田悅圍邢州次臨洛詔河東節度使馬燧與昭義節度使李抱真神策將李晟合兵救臨洛悅兵大敗邢州圍亦解以功右僕射尋又加燧魏博招討使二年又敗悅於洹水詔加魏州大都督府長史兼魏博等四州節度觀察招討使

讓招討名

裴度受淮西宣慰招討處置使詔出度以韓弘為淮西行營都統不欲更為招討請祇稱宣慰處置使從之

賊鋒屢挫

來瑱為潁川郡太守充招討使肅宗以瑒武畧久加委任遷兼御史大夫北收河洛屢挫賊鋒頻來攻皆為瑒所敗賊等懼之號為來嚼鐵

籌畫皆出

五代後唐莊宗與郭崇韜謀討伐之計時明宗為諸道兵馬總管當行崇韜自以官者相傾欲止天功以制之乃奏曰魏王繼笈德望日崇大功未著宜依故事以親王為元帥莊宗曰小兒幼稚安能獨行卿當擇其副崇韜未奏莊宗曰無踰於卿乃以

繼笈為都統崇韜為招討使率親軍六萬進討西川籌畫皆出崇韜繼笈承命而已

曰龍圖公

范仲淹知慶州兼經畧招討使未幾賊兵二萬叩城仲淹麾兵戰賊奔北遂戒諸將無追奔既而果有伏兵又奪馬為大順城及築細腰胡蘆等寨招明珠滅臧一強族萬餘人及命環州種世衡招千餘人父之王師再喪於定川仲淹晝夜領兵為援初關輔人心動搖及見仲淹耀兵號令嚴明威震戎落人心遂安第相賀曰邊上自有龍圖公為長城吾屬何憂

募郭代公

慶曆三年以鄭戡代仲淹為四路都招討置府於涇嘗慨然慕

郭代公功業元昊擁衆臨黑山戩勒兵巡邊抵鎮我趨蓮花堡
置酒高會旗幟絡野鑼鼓喧天虜衆十萬相顧不敢動元昊謂
其下曰我已遣使稱臣朝廷何爲復用此公其畏如此

都統領

歷代沿革 晉孝武帝太元十九年有河西大都統唐天寶未置
爲天下兵馬元帥都統朔方河南北平盧節度使都統之名
始於此乾元元年戶部尚書李暄除都統淮南江東西節度
使宣尉觀察處置等使都統之官始於此 唐制或總五道或
總二道上元末省大中後討徐州以康承訓討黃巢以荆王
鐸爲都統黃巢之難置諸道行營都統掌征伐兵罷則省雖

總諸道兵馬不賜旌節宋諸軍都統制者自渡江已前亦有
之然未嘗爲官稱蓋是時陝西河東三路皆以武臣職高有
智者爲馬步軍副都總管遇出師征討則加以都統制軍馬
之名非有司分也建炎元年置御營司遂擢王襄愍爲都統
制都統制名官自此始大槩南渡置統制一則兵興稱謂不
一諸路起兵有自稱統制者州縣管押勒王兵者亦有稱統
制者諸道都總管及諸司便宜差統制者建炎初劉光世上
言於是並罷惟中都主兵朝廷差充統制者仍舊紹興十一
年韓世忠張浚岳飛除樞密副使罷宣撫司其統制將副並
改充御前隸樞密院各帶御前字入銜其兵馬就令所部統
制官節制而都統皆以屯駐名冠軍額之上獨川陝如故嘉

定初蜀叛既平安觀文又奏分與州十軍為沔利三軍沔州
除都統制利州除副都統天下有十都統矣是年元木犯泗
州詔樞密使張俊於鎮江府置司措置江淮守備後發張憲
事併岳飛賜死俊遂薦其將定遠軍節度使田師中掌故岳
飛之兵又薦清遠軍節度使王德往金陵於是並詔為御前
都制師中於鄂州德於建康府駐劄其後大軍又有統制同
統制副統制統領同統領副統領等其下乃有正將副將準
備將之名皆偏裨也舊制準備而上自主帥陞差仍先申樞
密院定察紹熙四年詔江上陞差統制至準備將令主帥解
發三人赴統領所內選一名慶元三年詔陞差並委主帥自
是主帥之權復重矣元統軍司有統軍使統軍副使及都統

領統領副統領知事之職

羣書要語元戎十乘以先啓行詩 卻毅將上軍左傳 長子帥師
易梁弘御戎左傳 戎帥 賜朱克融詔 節將 李徽公集 宜兼領護
之權副師貞之吉李若幽制 執羈羈府盡忠肅之勤誠聳劔元
戎聲旄麾之茂績張延師制 折衝之寄符玉帳而總金壇同上
出總戎麾杜佑制 分委戎輅杜牧行李班冊 授銅符
之律王縉制 執戎鈴以泣眾杜黃裳制 往持戎律陳敬瑄制 權
握兵戎討董昌制 建牙統眾必籍雄才陸集劉洽制 出統戎旃
朱廣平集詔 來帥熊羆四方作儀翰父 為戎臣師同上 分命督
將保寧疆境開元戎勵州牧將詔

詩句 弓箭圍狐兔韓 百萬貔貅趨王帳三千賓客冠金貂羅隱

上羅郭王

古今事實

出鎮河中

郭子儀上元初詔為諸道兵馬都統令奉諸鎮之師徑抵范陽詔下旬自為魚朝恩所間事竟不行永泰元年以子儀都統河南節度使行營出鎮河中分紀

蕩滌羣寇

乾符黃巢大掠江淮宰相王澤曰臣忝宰相之長在朝不足分陛下之憂願自率諸軍蕩滌羣寇朝議然之乃拜守司徒平章事荆南節度使諸道行營兵馬都統唐會要

意氣相期

太宗引尉遲敬德為右一府統軍右僕射屈突通咸言敬德初歸國家情志未附請殺之太宗曰寡人所見有異遽命釋之引入卧内賜與金寶謂曰丈夫以意氣相期勿以小疑介意寡人終不聽諛言以害忠良今以此物相資表一時共事之情也是日因從獵於榆窠遇王世充領步騎數萬來戰世充驍將軍單雄信領騎直趨太宗敬德躍馬大呼橫刺雄信墜馬敬德翼太宗以出賊圍太宗謂敬德功最多比眾人證公必叛天誘我意獨保明之福善有徵何相報之速也特賜金銀一篋恩賜日隆

官序相當

德宗幸梁洋回初廢天威軍左右神策軍舉西漢謂者隨何下淮南功拜為中尉故事命神策監軍為中尉又以功臣數多或

有秩至司空僕射罷鎮入朝無官序相當乃置六軍統軍秩視
六尚書為節制廻翔之地分紀

柘臯敗虜

李顯宗字君錫元木寇邊劉光世充三京等路宣撫使表公為
本司前軍都統制上以宸翰賜公曰卿如立奇功與卿建節諸
將會淮西戰于柘臯元木大敗公追至孔城奪鞏倪之被虜者
以萬計言行錄

和尚原戰

丞相魏國張忠獻公浚元木欲窺蜀公諡陝西都統制吳玠於
鳳翔府之和尚原先處戰地誘致其來元木引衆十餘萬來犯
玠與虜戰凡二千餘陣元木中箭而遁俘其將羊哥孛董及曹

領三百甲殺賊衆橫屍蒲野元木其衆損者過半皆吟呻扶攜
以歸同上

太人洲戰

李顯忠時逆亮犯順公以池州都統移軍舒城除御營先鋒都
統制堠騎報賊兵萬人渡淮公領趙康年等與虜戰于太人洲
首挫其鋒乘勝掩擊追淮虜軍溺死者千餘人同上

立功取節鉞

賊衆劉猗十萬已次于濠壽之間張浚拒之詔併以淮西軍屬
浚沂中為張浚統制官浚遣沂中至泗州與浚合且使謂之曰
上待統制厚宜及時立功取節鉞或有差跌浚不敢私言行錄

破賊復江州

和義揚郡王沂中傳李成叛江南招討使張浚議所以破賊王
 特為右軍統制官遂由上流徑絕生米渡出賊不意遇其先鋒
 擊退之賊將馬進銳卒數萬來犯浚率步兵攻其前沂中乃將
 騎數千與神武後軍統制陳思恭出山後前後夾擊乃大破之
 遂復江州同上

古今文集

雜著

張韓公廟碑銘

李澂叔華

唐之元老有大庇於生人曰韓公公盡禮太朝位尊將相三城
 立廟軍帥乞靈則祠之天保季歲華奉使朔方展敬祠下式瞻
 風采像與神合沉沉如生嗚呼生以公為臣歿以靈為神神乎

宜奉公總戎疆外懸衡審政拒隴循河縣直萬里堅城雄防扞
 蔽三輔介冑之士垂十萬人瞻我麾節以為進退先是突厥犯
 塞乘勝入朔方游騎至安定官軍不到經畧失守虜乃驅監牧
 之騾牝退存廬帳進圍聚邑嗚弓躍馬規復漠南邊人挫心元
 聖軫念節將更至咸以為請搢紳獻議則以和親為便中宗未
 之許也初以公耄老且重煩之及卜師於太宮之庭唯公之吉
 至尊親臨前殿授以兵符公承命徂征北蕃逆駭記所謂君子
 有其時有其命公得其二而伸其一者也公忠貫神明慮幾造
 化鎮以長策潰其奸謀一麾偏師屠名王復喪馬棄墜拂雲雜
 而城之並阿之法列築三鎮將精士銳談笑就役匈奴莫敢南
 視雷突而遁老幼望公以相震怖不然則乘冰轉關無日無之

既而據河山翫其動靜納行旅歸之衽席憑墉而望匹馬單兵
不匿形影虜由是械手足而剗腹心朝廷無草竊之虞矣天下
減征役之半矣詩云文武吉甫萬邦為憲又曰方叔元老克壯
其猷公之謂也帳下之厮尚有存者曰公號令素嚴人無違禁
自將吏騎卒咸有旌表節不常出出則賞罰隨之賞無非功罰
無非罪上流而下競心行而事從謀全功成由此術也三城既
就刊木標稽記之種落刻其降年後皆知之豈挺生上將之龜
策也奇鑒生物之然也夫鳥獸草木出其倫輩猶或利害焉
况殊績功勳始終天地翼輔先聖寵綬元元有茅社之尊符節
之重後奉者果一勝遂一謀庸非聖明幽贊之效雅有吉甫薄
伐至于太原王命南仲城彼朔方傳稱齊桓伐戎攘狄以其病

燕威衛魏絳和戎狄合諸侯從古及今以為大功其餘秦恬漢
青之倫終丘垤耳尚或登頌颺之簡冊貴之况忠武卓異屢復
今昔而詠歌無之非古也竊感趙孟懷隨武之德寤寐咏歎奉
銘神宮其文曰

赫爾韓公同武有經受命北伐渠魁就刑敢或不順鼓行風霆
崇岱壓邱滄波灌螢沉泉雷動機發冥冥功奮三城人謹億齡
謀出先後構危於寧張天之威恢廟之靈北狄頓顙山戎來庭
萬里寢旆綠河罷宿趨拜故祠德謝惟馨翔野何有群山青青
感激遺風徘徊涕零吾誰與歸式薦斯銘

律詩

次潼關上都統相公

韓愈

事類彙編卷之六十一
暫辭堂印執兵權盡管諸軍破賊年冠蓋相望入相待將功
德格皇天

塞上贈王太尉

僧惠

飛將是驃姚行營已近遼河水堅度馬塞雪密藏鷗敗虜殘旗
在全軍列帳遙傳呼更號今夜取天驕

和聖製送石象都護兼鴻臚歸安西 王維

上卿增命服都護揚歸旆鳴笳瀚海曲按節陽關外落日下河
源寒山爭秋塞無戰是天心天心同覆載

上裴行軍都統

耿緯

胡塵已滅天山外閉閣陰陰日復曛檉上華駟嘶鼓角門前老
將識風雲旌旗四面高秋見絲竹千家靜夜聞莫道古來多計

策功成唯有李將軍

贈超將軍

孟郊

當年瞻畧已縱橫每見妖星氣不平身貴早登龍虎道功高自
拔鹿頭城尋常得對論邊事委曲承恩掌內兵會取安西將報
國凌烟閣上早書名

管軍總管

歷代沿革魏黃初始制都督諸州軍事後周改都督諸軍事為
總管武帝時以王謙為益州總管之名始此隋文帝以并益
荆揚四州置大總管其餘總管府置於諸州列為上中下三
等加賜持節煬帝改帥都督為旅帥唐諸州復有總管亦加

賜持節刺史亦加號持節武德初邊要之地亦置宋馬步軍都總管以節度使充副總管以觀察以下充有止一州者有數州為一路者有帶兩路三路者或文臣知州則管勾軍馬事舊相重臣亦為都總管有禁兵駐海其地者冠以駐海之名咸平廢三路都總管景德詔鎮定兩路併為一路諸路並去行營之名止為駐泊總管慶曆二年詔近分陝西緣邊為四路各置經略安撫招討等使自今路分總管鈐轄以上詔與都總管司同議軍事路分都監以下並聽都總管等節制違者以軍法論七年析河北四路各置都總管一員如無事止以安撫使總制諸路八年諸州部署並改總管兵馬總管副總管總管舊曰部署英宗廟諱改焉有兵馬總管副總管

凡武臣以諸司使以上充文臣以兩省五品以上充一州即為兵馬總管一路即為步軍總管副總管建炎元年李綱言守備當於沿河沿淮沿江置帥府要郡以控扼其帥府文臣一員帶安撫使馬步軍都總管武臣一員充副總管改路分為副總管遇朝廷起兵則副總管為帥副鈐轄都監各以兵從出聽其節制正官願行者聽紹興二年要郡守臣罷帶兵職諸路副總管可依舊改充路分鈐轄五年密院言東南多事合要近上官總領軍政乃詔兩浙江南荆湖福建廣東可依三路置總管於帥府七年淮東置總管十二年諸路並置州總管一員元有管軍總管其下有管軍上中下百戶等員千戶管軍總把管軍上中下百戶等員

古今事實

賞今名將

太宗曰當今名將惟李勣薛萬徹江夏道宗而已以青丘道行軍總管伐高麗拔其城唐薛萬徹傳

任以藩岳

唐高祖詔黎州總管曹國公徐世勣本自黎陽擁徒歸順任以藩岳誠效克彰

遼東獻俘

李勣為遼東道行軍大總管率兵二萬執高藏男建等詔勣獻俘昭陵

定義制敵

唐裴行儉為定義道行軍大總管討之行儉曰以謀制敵可也因詐為糧軍車伏壯士五輩又伏精兵踵其後虜果掠車壯士突出伏兵至殺獲幾盡

箭定天山

唐薛仁貴副鄭仁恭為鐵勒道行軍總管將行宴內殿帝曰古善射有穿七札者卿試以五甲射焉一發洞貫九姓衆十餘萬冷驍騎來挑戰仁貴發三矢輒殺三人虜氣懾皆降軍中歌曰將軍三箭定天山將士長歌入漢關九姓遂衰

俘滅三國

蘇烈字定方為神丘道大總管討百濟俘其王義慈等所滅三國皆生執其王

膠東主道彥從李靖擊吐谷渾詔為赤水道總管帝厚以利啖
党項使為總道其酋拓拔赤辭詣靖自言隋擊吐谷渾我資其
軍而隋無信反見仇剽今將軍若無他我願資糧諸將與歃血
遣之道彥至澗水見無備因掠其牛羊諸羌怨為赤辭所乘軍
大敗

棄丹降銑

江夏王孝恭信州總管蕭銑據江陵俄進荆湘道總管統水陸
十二軍發夷陵破銑二鎮縱戰艦於江中諸將曰得丹當濟吾
用棄之反資賊奈何孝恭曰銑之境南際嶺左薄涸庭地險土
衆若城未拔而援至丹多何所用之今銑瀕江鎮戍見艦丹散

江下必謂銑已敗不即進兵規候往返以引救期則吾拔江陵
矣已而救兵到巴陵見船疑不進銑內外阻絕遂降

戰俘名王

李大亮為河東道大總管出北道與虜遇蜀渾山大戰破之俘
其名王

戰獲可汗

襄邑王神符遷并州總管頡利可汗盜邊神符與戰汾東斬級
五百獲馬二千及戰沙河獲乙利達官得可汗所乘馬及鎧

擊下十城

李大亮擢金州總管府司馬王洪烈據襄陽詔大亮安撫樊鄴
因圖之進擊下十餘城

契必何力蓋蘇文外男子為弟所逐使子詣闕降乃拜何力為
遼東道行軍大總管安撫大使經略之副李勣同趨高麗勣已
拔新城乘勝進拔八城引兵還與勣會何力率兵五十萬先趨
平壤虜其王以獻

便宜決事

裴寂受晉州道總管討賊以便宜決事賊將朱金剛據介州寂
中度秦原賊埭水上流寂徒屯為賊所薄兵大潰

宣布恩意

李靖授嶺南撫慰大使檢校桂州總管以嶺海陬遠久不見德
非震威武示禮義則無以變風即率兵東巡所過問疾苦延見

長老宣布天子恩意遠近懽服

霹靂域內

唐長孫晟為秦川道行軍總管出討突厥晟斬千餘級有達官
來降言突厥大畏長孫總管聞其弓聲可謂霹靂見其走馬稱
為閃電晉王笑曰將軍震怒威行域內分紀

蹀血虜庭

李靖為定襄道行軍大總管率勁騎三千由馬邑趣惡陽嶺頡
利可汗大驚曰云云太宗曰靖以騎三千蹀血虜庭遂取定襄
古未有鞞足淥吾渭水之耻矣唐職林志

召詔入朝

泉男生授平壤道行軍大總管兼持節安撫大使舉哥勿南蘇

倉巖等城以降帝命舍人李度繹就軍慰勞賜袍帶金鈿七事
明年詔入朝所過州縣傳舍作歌吹右羽林將軍李同以飛騎
迎寵

先登報國

唐張士貴貞觀中為龔州道行軍總管太宗以其冒矢石先登
勞之曰嘗聞以忠報國者不顧身於公見之

璽書褒勞

郭孝恪焉者王叛孝恪請擊之即拜西川道行軍總管率步騎
三千出銀山道夜襲其王龍突騎支屬之帝悅降璽書褒勞

金瓶賜勞

秦叔寶事秦王府拜馬軍總管戰美良川破尉遲徵有功帝賜

以黃金瓶勞曰卿不郵妻子而來歸我且又立功使朕肉可食
當割以啖爾况子女玉帛乎

賦詩祖道

張仁愿為朔方軍總管春還朝秋復督軍備邊帝為賦詩祖道
賞資不貲

請斷石嶺

竇靜請斷石嶺以障塞突厥去入

勇冠三軍

薛萬鈞為沃沮道行軍總管從李靖討吐谷渾復馳進擊斬數
千級勇冠三軍職林

裂地獻俘

唐文選

高麗莫支離男生爲其弟所逐遣子乞師詔勣爲遼東道行軍總管率兵三萬討之破其國執長藏男建等裂其地州縣之詔勣獻俘昭陵同上

銳士深入

侯君集李靖討吐谷渾以君集爲積石道行軍總管君集曰王師已至賊不據險天贊我也若以精兵掩不備彼不我虞必有大利靖然其計簡銳士約齎深入大戰破之

獨全軍歸

李靖爲行軍總管以江淮兵萬人屯大谷時諸將多敗獨靖全軍歸俄權檢校安州大都督

率部落降

李勣爲通漠道行軍總管出雲中與突厥戰走之引兵與李靖合因曰頡利若渡積保於九姓果不可得我若約齎薄之不戰縛虜矣文靖喜以與已合於是率衆夜發勣勒兵從之頡利欲走積勣前也積曰不得度由是酋長率部落五萬降于勣拜大都督府長史

決策深入

吐谷渾寇邊李靖往見房玄齡曰吾雖老尚堪一行帝以爲西海出軍大總管靖決策深入遂踰積石山大戰數千國人多降吐谷渾伏見自縊歿

擊賊大奔

蘇烈擢伊麗道行軍大總管復征賀魯侯斤嬾獨祿擁衆萬帳

降烈撫之賀魯率十姓兵十萬拒戰烈兵少舒左右翼包之烈步卒據高攢稍外向賊三突步陣不能入因其亂擊之賊大奔

鬼童遂降

姚兕字武之為環慶路馬步軍副總管改鄜延移鬼童據洮州謀言青唐欲將兵由講珠梁會于洮合寇我疆兕自河州率兵破六通宗城夜遣驍將縱火講珠梁明日青唐兵至不得遂洮州之援鬼童遂降東都事畧

木征遂降

燕達為秦鳳路副總管河州景思立陷於踏白城達討山後諸羌斬首四千級還至訶諾城木征遂降同上

總領軍政見前沿革

總治軍旅

哲宗正吏職官志總管鈐轄司掌總治軍旅屯戍管防守禦之政令凡將兵隸屬者訓練教閱賞罰之事皆掌之續會要

機速專行

熙寧中詔諸路如遇出入之本司兵馬機速事申稟不及者副總管得專行同上

機宜熟識

景德中以參政王欽若判天雄軍兼都總管初帝曰天雄且為重鎮思得熟識機宜行事果斷者誰之於是欽若請行分紀

燕達戰功

熙寧五年以燕達權發遣環慶路駐泊總管掌州之役達有戰功故自鈐轄躡遷總管然自資淺故令權發遣自燕達始也實錄

狄青材勇

狄青字漢臣京師呼為狄天使上嘉其材勇為涇原路兵馬副總管上欲一見之詔令入朝會寇逼平原乃令亟往涇原俾圖像以進上觀其儀表曰朕之關張也於是有狄萬人之稱以敵萬人也

札投方畧

宋淳化中以參政趙鼎為川陝兩路兵馬都總管太宗以蜀寇尚有殘孽會員言安撫招討仍賜御札數幅下寧授以方畧委任雄盛分紀

御賜秘畧

景祐四年以御製神武秘畧賜汾邊總管鈐轄每得代更相授之同上

遵裕知軍

熙寧五年上謂執政曰王韶經制鎰洮獨高遵裕能吐力與都鈐轄如何王安石曰縱與權總管亦無害蔡挺曰如此即當罷知通遠軍蓋自來無總管離帥府而知軍州者上曰有事宜即出駐劄使知軍亦何妨安石曰總管知軍與鈐轄何異亦不須舊制有無也乃以遵裕知通遠軍權熙河總管實錄

張劉再任

熙寧四年涇原路都總管張圭鄜延劉永年並令再任至與

子官樞密使文彦博曰兩人同是用而推恩不同上曰王累有戰功末年但久熟鄰延未有代之者若一槩推恩無以激勸

上言耶律惠

天聖七年劉平授忻州團練使屬上封事言趙元昊連姻耶律必為邊患授祁寧環慶副總管遣中人就賜黃金器

請持夏國臂

種子諤字子正本憲措置熙河邊事子諤邸延路副總管秉常為母所囚子諤入對大言曰夏國無人秉常孺子臣請持夏國臂而來神宗壯之東都事畧

古今文集

律詩

奉和幸望春宮送朔方軍大總管張宣詩

李嶠

玉塞微驕子金符命老臣
三軍張武旆萬乘餞行輪
猛氣凌玄朔崇恩降紫宸
投醪還約士辭第本忘身
露下鷹初擊風高鴈欲賓
方銷塞北侵還靜漠南塵

獻丘常侍總管

許渾

詔遣將軍護北戎身騎白馬臂彤弓
柳營還識金貂貴榆塞還知玉帳雄
秋檻鼓鼙驚朔雪曉波旌纛起邊風
蓬萊每望平安信應奏班超定遠功

贈淮西賈兵馬使

釋清江

破虜功成百戰場天書新拜漢中郎
映門旌旆春風起對客絃

歌白自長

歌白自長

歌白自長

歌白自長

歌白自長

指歌

指歌

歌白自長

歌白自長

歌白自長

歌白自長

指歌

